

玉茗堂詩集卷之一

五言古

蘇州吳梅

字曼安別號霜厓  
1888—1939

藏書

臨川義仍湯顯祖著

甄胄天羽沈際飛選

○寄南京都察院君并憶陳侍御

平生喜標遇。風懷慕淹雅。天符自有真。外骨居然假。  
緬想神州趣。孤鶩順流下。操情常獨詣。微言動高寡。  
諸生儼太學。弟子栖蘭若。竹露冷披滴。松風細陶瀉。  
會景多怡衍。吟成或抄寫。遂有撫情人。來作知音者。  
相招回白眼。再顧連驄馬。造語輒蟬綿。談空竝瀟灑。

帶字不妙

張華事比  
兩人之清  
奇若鷲羽  
龍鮮然

質與

金壇諱金  
凌杜撰

我搖鷺羽扇。君送龍文鮓。木葉下清秋。芙蓉改朱夏。  
歸來仲長園。蕭條董生社。遨遊白水南。崕峴青雲野。  
良訊勉為酬。芳襟可重把。

○寄南昌萬和甫

神虫畏白日。群龍叫孤星。飛潛各有適。化感自相熒。  
與子缺和樂。鹿鳴欣昔聽。丁生察行列。吾子滯高冥。  
快波滄溟運。傷茲雲雀翎。金壇子孤往。林間余晝扁。  
吉雲為我服。甜雪以為醺。幼耄委時運。光陰流戶庭。  
達巷彼何人。為師幼弱齡。誰言務光子。龐眉相武丁。

人途非建德。純白寡肯庭。聃生一吐舌。墨子未藏形。  
因君藻繳訣。托意在神靈。

○○送新建丁右武理閩中

伊管豫章行。萸陽映丹鬢。傾風寡殊請。接俗多蒙哂。  
初歷世緣艱。輒悼微生窘。同病必同呻。相憐自相引。  
飛花比人命。片片隨風隕。迢迢轉裊帷。獨樹吹何緊。

頓策委文君。良裂愁心腎。夫子佩懸黎。被褐終難泯。

謂是玉山人。去作金科尹。戒察俯游儵。應節驚墉隼。  
玄象已難拘。黔昨詎堪準。方譏蔡女淫。終知杞人蠢。

是六朝而  
無六朝之  
套自出新  
奇多異少  
同

玄想

沉、暗、豈、不、貴、衆、見、非、予、敏、染、筆、送、臨、岐、微、情、鑒、松、苗、  
○賦海寄饒海鹽 并序

知足下渾金樸玉，外礪巾潤，不竝壺瓠之姿。坐彼  
瓠，楓之俗，徂訛鳥去。在季云然，魚小雉雛。于茲儻  
見終日鹽官之嶼，乘流海若之方。每念遊臨，恒悲  
阻遠。令弟崙，才骨兼奇，故是高門妙種，爲弟子十  
餘年，食粟而已。豈非命乎？僕少讀玄虛賦，海有浮  
天沃日，崩雲屑雨之句，便欲凌空，獵其烟燄，尚病  
未能寄懷一首。

三陸三謝  
何足言

昔、予、度、青、野、曾、登、日、觀、來、義、輪、迸、海、出、赤、黑、相、排、推、  
彩、旭、破、重、溟、熒、熒、芝、闕、開、徒、令、殮、沆、漚、竟、爾、隔、蓬、萊、  
沆漚夜氣不當用于朝陽

願、循、駕、海、迹、自、乏、乘、桴、材、我、友、周、伯、倫、薄、海、試、雲、雷、  
以下俱賦海

居、人、既、重、潤、川、鳥、亦、無、災、水、市、豐、奇、貝、澤、國、險、神、鯁、  
江、斐、妬、泉、織、河、伯、笑、坳、杯、迴、洋、傾、地、軸、照、景、落、天、台、  
朱、烟、疑、爍、霍、綠、氣、遠、崔、嵬、乍、可、縈、縑、組、何、緣、引、薦、罽、  
谷、王、乘、上、善、島、客、冀、仙、才、海、月、縈、如、鏡、屏、風、弱、似、苔、  
長、牆、故、紆、歷、乍、浦、足、徐、迴、自、送、檀、桓、北、神、疑、勃、謁、回、  
裨、瀛、分、赤、縣、清、淺、閱、紅、埃、詎、惟、弔、鴟、革、竟、藉、長、龍、胎、

上方平但  
見黃塵此

三紅埃自  
新奇

冲率近自  
然

日窟吾休矣，天遊何曠哉。先將木華賦，寄取伯牙臺。

○除夕寄姜孟頴戶部

除日已無歲，窮天兼有春。悠悠四軫內，疊疊萬塗人。  
良時不蚤建，憂來逼我身。君今在皇路，就列理宜遵。  
豈學浮游者，徒霑京路塵。

○寄戶部周元孚三首

并序

良書未有未同之語，未同者謂附緇塵之人，非結青雲之士。亭州近汝穎，又楚人善悲怨，以故激亮淫沉之歎，常絕他方。初見第六丈時，其文章達士

丙景遺音

省書，不謂能於死生之際，解定如此。夫善養氣者，雖病不罷，善養心者，雖罷不亂。用是悄然感懷。

悠悠江漢涯，恢恢南北垂。誰謂一帶水，隔契兩人期。  
相期不能邁，有夢詎能知。龍角睽已旦，鳥羽欲成飛。  
顧兔復何利，甘泉誰所晞。朝霞耀叢蒼，網緼殊可疑。  
願備五色雲，夾日向中馳。

二大轉包承四序，還推遜逝者歷終星。故物俱成良，故物有新喜。逝者淹長恨，長恨詎得知。徒遺生者怨，與子各烟塵。良書生繾綣，驚秋常苦寒。驚春豫愁困。

園梅素方謝，陌草青猶嫩。幽憂徒有懷，弱植非殊建。所以往時人，加餐以遙勸。

朝遊紅泉磴，夕宿青雲垂。四顧皆行人，悅生聊為持。春原望有綠，霽色曉無時。雙扉古亭下，竚立迴天倪。流雲依積水，初鶯鳴曉枝。聲光暢流霽，巾裾間自宜。念子雖殊壤，書馳儻見知。

妙得天然之趣

○○正月晦青雲亭晚望

秋中去齡閏，雲霄季冬震。今日青亭上，但覺青陽迅。越香初掩掩，生波還繣繣。凍雀乳纔飛，新禽囀方順。

亦古

蔬粉競薰融，花光向韶潤。遊子覓春歸，佳人出林訊。縹景待初顏，鮮風拂玄鬢。川臯寄怡衍，林間解偏吝。機賞澹忘懷，神鋒忌猶峻。今日反東菑，生涯從耜刃。

○○峰下示采藥客

朝登青雲峰，暮宿青雲館。平生識藝薄，并是浮情懶。清明無著書，寒食多神散。但問丹鉛術，未暇金銀管。登臨頗盡適，交襟竝儒緩。笑語林間寂，白雲松上滿。南來川氣長，北去山顏短。冲光豈無毓，玄微庶茲纘。寄言采秀人，未便風華斷。

皆鍊

與龍身之  
并序

身之尚以搏運之姿，因樸樾之地，可惜屬者官况  
何似，前附書足下，歌唱大還之事，昭昧何者，悵念  
人生交遊能幾年，逾冉冉，性各貧豪，春中矣，雪方  
殘，素月又流暉，把酒巡欄，感言成詠，付之札者，  
天地有不足，三千六萬軸，人生日月中，雙飛不停轂，  
霜雪苦飄歷，素月浮清獨，石戶凝還滴，松關翠猶肅，  
何人千里道，寄與千里目，四牡既久駕，項領一何縮，  
那得竝游敖，無人自空谷。

○寄司明府

縕縕雨雪浮，團團松栢正，約妙結構銅陵下，紅泉遠相鏡，  
晴雲動蕭索，芳津聘游泳，壟麥雉初隱，岸柳條虛映，  
有美結春思，庶矣懷春政，爚焞向陽翹，寤緬神仙令。

○逢南都張覓玄麻姑山中從余來華蓋便辭去

遊河關

來歸卽松子，良夜愜張君，張君起玄秘，雄雌黃白分，  
歸來翫駒郟，再拜逢青裙，玄枕昔飛去，編書徒爾云，  
公超起雲霧，道術何紛紛，鳴琴讀素書，清香開自焚。

標新

謝靈運  
詞能矯然

今君美逢胄，帝鄉乘白雲。好我龍虎山，竭來醮諸神。  
龍虎上聖窟，占者卽真人。絳幘天蓬下，步禹祝玄旻。  
方標指星木，蕩跌浮雲氛。東南嬰麻姑，去看滄海塵。  
道逢都水使，刁露脯蒼麟。南問南岳君，廼是魏夫人。  
銀筒閱丹藻，綠蘊有書存。紅泉過靈谷，王郭兩金昆。  
更揖浮丘子，吹簫響雲門。手携山海經，疑君郭景純。  
中開兩漢界，決絕從崑崙。善易苦不談，微言多義根。  
照我天門燭，送君荒外罇。何便占風色，泠泠歸鄭園。  
或言向南岳，或言朝上元。而余方閉關，控鶴難拳援。  
因君問斗牛，幾日度河源。

○寄葉明府

并序

王逸少、謝康樂俱山陰會稽之間，可人也。吏隱偏  
城，發其山水之藏，樂其仁智之見，人謂兩君筆札  
耳。讀逸少書記，康樂卒所云云，良深歎省。屬者讀  
書靈谷山中，有懷一首。

良馬息高岡，丹經坐靈谷。悲風怒沉壑，連波吹我屋。  
壘壁兢嶮嶮，通川帶縈復。數處起行雲，當窻濺鳴瀑。  
白日散流霞，南榮負暄曝。仙桂馥幽情，芙蓉秀春目。



好幽玄鄙  
尋句

豈是平陽  
地土風

虛白警雲岩，葱青鏡閩福。絳節擁浮丘，玉袖招南岳。  
好鳥作流聽，柔荑未妨蹴。豈測會仙期，聊駐行遊足。  
誰開山水姿，永符仁智欲。及比蔭雲蘿，傾風謝明牧。

○答寒平陽二首

寒義佐詩中全用之

高皇開國平陽人

分畧百餘里，寸陰千里長。諸侯散絃宇，扶天立正陽。  
况接同華宅，形便絕多方。帶厲穿華裔，河山卷帝王。  
既均鹽鐵筦，兼收璧馬良。焚舟已云避，渡甌難可防。  
由來怯燕代，安云齊與梁。披圖發蹤跡，拂袖起徊徨。  
幽憂不自理，逢人多激昂。願子戒愉逸，敬在有那常。

其二咏子房，奉答淮陰篇。淮陰起困餓，玉案之飯  
不與竟漂母同。斬鍾離將亦足以死，奇哉蒯通嘗  
從安期生遊。姜伯約謂峩眉山有赤松子，已近蜀  
果然。

用典故不  
必盡解却  
自覺其奇  
妙

龍漢張子房，決絕在南陽。還歸過滄海，風雪正飛揚。  
道遇黃衣叟，精誠啓秘方。鴻溝一分手，角里自雲翔。  
仙童教世人，青裙朝木皇。葱葱龍首原，司徒冠劔藏。  
安知黃石枕，飛去赤松傍。老君來問籍，玉女拜焚香。  
紫清聊可樂，隙駒能許長。

二作一字  
不可增減

○代馬吟為劉石樓作

代馬吸靈泉化作飛龍姿蘭池照朱血騰光何陸離  
一受紅陽秣牽纏苦長垂太行相踈局晚影高鳴悲  
熒熒星月精齒至自有時果遇秦青子拂刷崑陵池

○南澱觀稼有懷龍郡丞

牧拙在窮僻先疇有歲年春開九扈正人耕一馬田  
既分榆莢雨還媚杏花天雲生松上白烟開野氣鮮  
遲日到高樹維惇行自牽疏風出苗隴通波縈綺阡  
耆雅各有適鶯花成自然區種從所務耕獲慶無愆

已希問賀好誰言車馬錢

○與徐三秀才石梁觀水

正苦北門賢往起東陂田可憐舊遊客造我披雲天  
雲天豁遐敞橋門度千舫商女帶行緝舡兒送歌榜  
與子跣飛梁北斗正文昌朱明蕩川谷白水搖穹蒼  
中流何鬼崔雲從麻姑來愁魂漲江杳送目層波回  
蒼鬱明霞漫檉柳光風亂鶴子散淋洒鳧羣刷清瀾  
遙山復佳勝不覺松雲暝每目坐濠梁何曾減幽興

圖畫

詠懷四首示楊吉甫

金玉騎白鹿西遊司約受丹圖南遊南遊開玉版西邁觀璿珠  
天門豈不足柱州還有區如何四海內不獲遊斯須  
逝言騁高駕皇羊天地樞終知不可盡聊用永昆吾

緬彼若士言深為達者模

鄒生愁黍谷孔聖悲苗裔何緣兩端竹解接人間世  
精神自眇邈虛空入微細金石苦湛濁雲霞靡高麗

就形良可班相尊巧云隸不見弇州鳥歌吹匪人制

婉彼穀音和傷茲靈籥滯

玄天曠微幕衆氣相填充三光靡根繫浮泊生虛空

神想名論  
不可擬議  
西李淺腐  
極矣

日月繞辰沒何曾歸地中惟有玄天水經紀運西東  
自然猶不反刻畫幾時終八紘徒浩歎九紀自生戎  
寄語中環子玉儀終古同

子午不合  
故云非酉  
戌相次故  
云仲○參  
同契

子午性情非戌酉陰陽仲神明故精烈象化潛推送  
朱羽未全摧玄蛇竊飛美金堤漏虫螿白日送蝶煉  
連屬自有鄉胎胞苦無空翻身攬玄翠規中卷雲洞  
無為臺觀明空令人迹衆

○涼夜

陽明陰始蕤不謂玄泉滋歸風氣無射哀傷柔落時

幽異

白日去人遠，軫角四交飛。簾垂織霜月，鷓鴣號特栖。  
青燈起瑤瑟，恒見曙星輝。

寄宣城沈君典

釋夢踐飛閣，彈冠方是年。何言春穀裏，及服舊山川。  
菊亭天大淑節照人妍，春香散花木。海色開雲烟，  
密蝶游絲冒稀鶯轉樹圓。別有漢陰業，何所池陽田。  
懸溜遠棲釋，成林高列仙。風雲自玄感，性相終悠然。  
經曾失路儉，會侶息心禪。龍化陵陽鳥，鯉控琴高絃。  
無為作逋客，蕭蕭猿鶴憐。

哭宛溪梅大叅

芳臯閱逾歲，青籥何飄逝。宣州見梅叟，遺榮拂光袂。  
透遲白日道，攬纈青霞世。敬亭有佳意，合脊幽人桂。  
紫閣上蒼層，阡岡緬迢遶。悅耳韻風篁，在眼紛雲荔。  
體素浩無錙，翰墨時有制。要欲投余佩，澹澹長洲柅。  
人生有朝暮，物故無形勢。玉屑留餘法，金書罷良諦。  
風月倍闕愁，山川苦遙涕。惟愛深松美，寧知宿草翳。  
灑落喬公言，清芬阿戎契。寶劍復何為，玄臺已高閉。

自是憔悴

再寄君典

落日反青岡，寒烟起桑柘。白鳥川外明，南帆捲將夜。  
問我所思人，葱芊敬亭下。壯武識龍文，隱侯居僕射。  
胡為息陰蚤，東臯耨時稼。悠然春芳意，寧惟坐聲價。  
春穀美山泉，願言同結架。山陰一夕棹，河內千里駕。  
不憺過新林，邈矣宣城謝。

○不遇

桂樹籠青雲，沉吟止為君。攬衣萬里外，矯首戢龍門。  
龍門不可見，白雲空在天。天山敢遐筮，結遘舊隼原。  
願言簡殊礫，熒熒窺玉淵。自古

○瑤臺

昔日瑤臺女，高高窮紫清。新松比華翠，群玉坐虛貞。  
凌雲響清嘯，懷春空復情。旁無青鳥使，豈得鳳皇迎。  
悲來絙金瑟，藿蘭送遠聲。

○玉牀

玉牀填光宅，金鉉明道旨。飛才日軌外，選客雲臺裏。  
風雨動魚龍，榮義招君子。采無寧足芳，食俶偶知美。  
雲依玉山岫，鴈落金河水。比迹類有歸，造事窮無已。

○黃姑

黃姑正春旦。惠風流采枝。天鷄擁翰叫。鳴曷在斯時。

衣冠待明發。及復東南馳。道逢采薪客。勞歌相語誰。

日出望京縣。煌煌金殿危。何時不閔墨。淚下自

難揮。未言思軫結。惟歎路榮迴。迂阡險余軸。高岡疲

我騅。若云道修阻。何為歛我來。亮乏青雲志。安辭服

與駢。托分遠天損。庶令紛念齊。

○金鏡

皇明開八紘。金鏡方在握。高居類龍首。浮雲出流薄。

中天散雲鳥。何人請朱雀。孤生耆玄史。萬類恒掛酌。

靈瓊既昭盼。赤墀庶披廓。寧知違盛觀。歸休坐寥寞。

尅象苦無時。非熊竟安托。東家感夜川。西要悲靈籥。

聽彼防露詩。先秋懼搖落。

○留別李季宣一首

珠玉詎有足。桃李不自言。辯璧楚無人。春風消南園。

寶書盡日掩。素瑟為誰援。客裏倦薪桂。懷來欲樹護。

日色漾江汜。天光臨海門。綠氣遠峰結。清音雲溜奔。

兩都並留賦。一面定交論。來尋李下叟。恭逢堂上尊。

授我瓊玕食。陪余金玉昆。便為十日醉。誰言一飯恩。

無下字不  
如猶離字  
非宜

在六朝中  
依稀晉魏  
亦宋齊下  
也

李賀

因君不唾井愁人正觸藩

○○下關江雨四首寄太平龍郡丞

涖涖春流驚條條檣索鳴天意豈有端條雨無恒晴

浮雲塊山曲紛烟冥四瀛空江寡人務惟聞魚鳥聲

淋滲鶴子戲淡濫羣鷗輕刷唼抵蒲間慕類求相迎

而余闕芳侶不及春禽嚶咸夷傍商旅安歌難自成

江南草方長行人意已銷歸艫候春水碕曲避春潮

南吹日夜急北客住維綃高堂望歸客匪多使伊朝

婦人感花晝并惜金裘凋家弟兩三人四鳥何殊條

寶

平生伐木友薪歌閒自聊念此欲飛奮秉耜及時苗

終知不可得抒愁寄久要

空江旅洄泊道阻南吹作黃山咫尺地不至遙心托

憶我舊行遊浮榮散飛藿蕪陰還亭闌歌呼事如昨

桃葉渡江水春光濃未薄黃魚竹笋後子鱗楊花落


纏綿十日醉決絕千金諾德義毀無傷親交戲非虐

念此悵悠悠相思豈能博

束髮被公正少小服書詩慕義中黃勇結思尚玄微

精誠亮有鑒振羽來天墀翰音不可聞毛理未成蜚

八土十年  
物寶  
自貴



原件短缺



浩浩故應白，悠悠君詎知。暄涼人未異，心迹自先違。  
但艷吹綸色，安趨寒女機。為德苦難竟，叔牙我心希。

○寄太平劉明府達可

六龍聘義轡，娓娓不停征。大運密流徙，狂奔非我情。  
仰睇浮雲游，俯切江流驚。山川記曾歷，溫涼成互經。  
我有賢友人，為邦惠且清。由來玉度美，匪直金科精。  
非要茅狙喜，常令蕉鹿平。登樓無鰈采，避席有麟經。  
去年遊太學，年義篤趨迎。山林啓芳宴，簷樹藹葱菁。  
諍絕有餘閒，醪醇盡以傾。風雨灑人醺，喧騰雜樂鳴。

音柏也

蕉鹿本沿  
決句則佳

詎映金沙徹，虛牽水碧光。邈矣靈蹤秘，快哉風力長。  
夷猶超信宿，迅刷掩羲暘。垂雲馬當曲，釣月漁臺傍。  
五兩吹無盡，三千擊未央。歌風揚激楚，灑酒答滄浪。  
由來天水便，惟有大舟當。

○遲江泊飲楊店草閣

舟行少廖廓，披裳問草閣。川渚互玲瓏，石林紛岸嶮。  
徂春日愈舒，入夏炎初爍。昔去羣芳歇，今歸萬物作。  
農歡麥上場，女歎蚕收箔。林禽暗往來，山花遮榮落。  
棟壁藏貞祝，檐廊繫蛛絡。長老卧松蓋，幼婦收林籜。

齊以不

雖當朝市途自隱烟霞壑。冰絃傍松吹凍飲開華鬢。  
織路苦紛紜朱明正飛煽。不見南鳶墜安知茂林樂。

摹初唐

○出都晚登里二泗道院高閣  
弭舳聚煙熅躡鳥凌暉皎旅積方此舒波情亦增繞。  
榛丘憶蒙密重闕思窈窕况此羽人居青熒滿幽眺。  
雙扉永平直層樓迴飛矯陵巒翠西蠹河渠白東淼。  
撞檣密林樹伊優軋魚鳥封畛四如畫岐術紛可了。  
非經灞陵役復異河陽遠如何帝鄉雲悠然映江表。

○別饒崙

古情辭

中宵自玉壺明燭樹前除。彌年闕相見相見復何如。  
憶在臺門時縱橫布琴書。雙聲逐黃鳥携手翫鯨魚。  
管為形與景今殊行與居念此不能食肴樽各及餘。  
何由得甘草將來貽巨驢。

未道

○寄饒崙

靜者之言

松閣出浮霧荷池通白雲。休生寡塵雜偃息坐林端。  
清晨庇松柏餘風吹我寒。有人荔為裳明霞為之冠。  
空山響長哨手中真誥文。世故廼相物大象於冥觀。  
斯人既已波滔滔乘逝川。金珠不留惜誰言八尺身。

○七月四日天清步出城西門望紅泉寶蓋折北而東借內戚一濬子撫迴翔沙際見兩具枯骨悽然  
瘞之道歌一首

方秋涼可遊曳履城西斜曲折自娛悅顧見成咨嗟  
枯骨遺者誰撐柱委河沙未歸魑魅室空成螻螿科  
生前好機理去後飽鴟鴞有形尚消靡安知魂魄涯  
人世露栖草人生風落花歡養有同盡賢聖詎能賒  
子今離綴宅余亦昧專車相逢卽相主誰問彌骸家  
○紅泉卧病懷羅浮祁衍曾

吉質

卧病紅泉石夢寐朱明山相思誰謂遠不出海陽關  
憶在彭城西同爲冰雪顏東行遊岱宗飈輪邈難攀  
達士自舒卷小人故不問風雲不可期追君齊魯間  
雨散一杯酒不爲離別難歸來幾許時徂春及秋闌  
木葉下前除紛紛感愁端蟋蟀吟秋燈心驚形影寒  
頗似謝阿連秋晏嬰憂患知子住羅浮四百幾峰巒  
躡嶺絕飛雲極目層波瀾扶胥浴陽德石門鎖奔湍  
魚龍互聲取蜃霞相鬱盤玉草與珍禽俱希世所觀  
上有金芝闕仙聖多盤桓吾欲從安期往結天人驩

遊嬉小百六，咀嚼大回還。其如隔胎骨，兼愁適海艱。  
祁生有靈氣，葛洪遺紫壇。海棗足朝食，沆瀣飽宵餐。  
蒲澗豈空勺，桂嶺不虛團。相期在友道，控鶴且停鸞。  
倘便梅花使，行寄玉箱丸。

○寄東莞崔肖玉

炎州荒桂海，萬里通瀛菜。巨靈失鼎負，吹蹙五山來。  
一山傳浮岳，中開瑤石臺。其上多珍木，叢花四時開。  
菖蒲盡九節，咀嚼壽靈胎。癸水洗刀劍，黃山貯人材。  
夫子特英奇，錚錚步雲階。誰謂在途邁，一笑傾啣盃。

玄言晤清適，郎色鑒冲懷。身非瑯琊人，願見博陵崔。  
崔家本文宗，奕世擅雕龍。看君愛賓客，不愧子玉蹤。  
遙心注皇極，乍往歸番禺。揆予亦虛反，悵望銅陵峰。  
紅泉動瀟灑，翠谷相蒙茸。寒林轉高葉，素沼落芙蓉。  
平分驚晚節，秋緒委玄冬。念此不能寐，疎響寄號鐘。  
俯聽谷中松，仰看天際鴻。丘陵自生韻，烟霞常染空。  
非余謬通室，會物有夷隆。仲武瓢初響，咎陶釣頗同。  
為愛真龍侶，書此寄南中。

○寄伍貴池

并序

遊極出脫

七月痛暑尋神麗之所。舒流鏡之情。至於叢壇見  
 賢從子。貫酒青雲亭上。行籌賦詩。倏雲氣四漲。滌  
 歷秋昊。炎飄半散。洪霖奔注。不辦几席。雲然而濟。  
 游儀若洗。問賢從父。為邦何處。知為貴池。坐昭明  
 之釣臺。遙分碧草。躡陵陽之仙館。久閱丹芝。南望  
 齊華。甚有忠焉之志。東歸靈谷。寧無遠而之思。足  
 下以明霞之爛姿。長洞天之德勝。從祖遠尋。當與  
 披襟緩帶。接展行杯。虛往實歸。喜可知已。附懷一  
 篇。庶以揮仙令之遊情。出齊山之秀韞。後而有作。

殆庶開端焉耳

無熟調

我管乘長風。掛席弄雲海。白浪吹鯨鰲。三山去何在。  
 側瞻吳會雲。容容動光彩。輟棹池陽汭。南山翠崔嵬。  
 連岩溜虛豁。立石互奇磊。九華既遙睇。三秀亦茲采。  
 淹觀步難舉。催歸意彌怠。杳爾謝崑墟。猶然布礪壘。  
 而何純白姿。翻令坐塵猥。龍岩化無象。虎林宦俱改。  
 徒貽山鬼誚。安知谷神待。惟餘玉鏡潭。雙清貴池宰。  
 ○○黃華壇上寄龍郡丞宗武大還一篇  
 空虛絕垠鄂。昏朝兩迴輪。鑿空起三竅。周流為過賓。

于參同有  
解

狂奔苦銷灼金骨早成燐百六迷滔天從誰開要津  
河洲雖窈窕江海畏沉淪流珠欲去人見火作飛塵  
卻掃華姑壇禮拜魏夫人男兒暗精寶况迺煉形身  
中規原抱一正氣日生神忽有跨鶴人言是斗中真  
授我九光經教我升天行是夕吐微陽蛾眉見西清  
映漾水中金白黑相熒熒龜蛇忌飛舞龍鳥禁縱橫  
倩取祝融威鍊土寒玄冥煎熬謹晝夜抽添不得停  
金光既轉赤翠赭合神靈由然三五一方知兩七并  
白雪與雲芽翼我萬椿齡吾徒三萬人拔宅住天庭

將我寸珠丹移君雙眼青遠尋伊洛侶同驂箕尾星  
披函讀素書中有成武丁姑孰邇黃山真人常閉關  
歲星管遊吳光輝雲海間所笑龍夫子終朝抗塵顏  
長筵遞歌舞去日苦難攀八埏空磊砢最迫此人寰  
各愛黃金體因君寫大還

說得凜然

正覺院籙龍軒飲帥大儀得七字  
十月天雨霜寒蟲愬秋畢在俗寡林泉棲真借禪空  
香風紫檀樹法水波羅密荷池屢經嗅雪山未曾失  
軒雖籙龍舊人希竹林七觀君辯才相頗同惠施質

詎有香厨饌，且摘祗園實。何肉率等荒淫，周妻謝靈匹。芻狗既同夢，中台豈殊秩。祝髮良已難，勞生幾時逸。從來厭出山，慈緣送君出。

真川與李季宣一首

漭漭揚之水，山色通川隔。匹馬來東真，徐迴李耳宅。遙天緬空翠，閒庭抱虛白。陰陽互相食，金珠不容隙。婆娑松桂人，嘻噓曠雲液。達人兆機象，衆庶觀營魄。大運密移人，共化無遺跡。惟應遣所遺，逝將適余適。夫子富才華，交游多綢奕。千金豈忘愛，五蓋長奔射。

寧同張子闇，頗受任公益。緬大苦難謀，無勞問朝夕。

寄奉舉主張公叅政河南 并序

僕嘗讀天台賦，令人五蓋蕭颯。至讀汝南先賢傳，又未嘗不願一遊之。弔汝潁之士也，聞明公竝遊其處，生乃倦遊無聊，翫銀筒玉蘊之事，以自暢自息。附懷一首。

伊余自初春，懷情在雲闈。寧知千尺樛，掛此織條葛。藻鏡絕輝澄，雲途驟披豁。道業既長養，玄風自迴幹。小有漸因緣，大塊徒輻輳。得一滿流珠，究萬皆毫末。

神仙玉唾孟素女金條脫遊方聖亦迷棲真衆凌奪  
夫君美懷玉弟子仍被褐知常妄不起有憶情難割  
千里夢綢繆十載音遼闊昔作軫隨絃今茲箭離筈  
秋實良可收春華尚云掇明白迺入素浮游豈生活  
天台發靈秘汝頽窺前達閱世了冥筌何繇慰饑渴

○寄宣城梅禹金

并序

禹金秋月齊明春雲等潤全工賦筆善發談端恨  
不竝翅雲清同標日竈辨析天口滲馥人肝憶往  
風期飄成雨散不肖慳緣利眼畏走塵顏橘性難

移蓬心易斷懷人牽率悵遲遐音

吟君白岳詩坐我青州榻宴舞述紛妍倡歌造叢雜

曲閣俯連墉懸簷寫飛塔雲戶靄青衿烟霄醉紅瓊

誰言星壤殊第見風期合去夏緬成陳茲春又徂臘  
意態頗蟬連年華天踏馭春穀自縈秀敬亭空合沓  
舊令苦難期新林詎堪踏擬得四愁詩含情遲君答

○寄林南陵

黃河潤九里餘聲亦澎湃明月耀專城輝光照行邁  
躍馬過藍山披雲向君拜達人自踈豁適願豈辭懈



飲食既華錯亭廬並清灑道帙豈長擯玄言每相解  
人占射的春化挹陵陽派蚕女被桑柔龍鱗集川滄  
樂土未能詳屠門且應快別子新林橋送我天門界  
玄黎未經啓徑尺誰無怪遊人自鞅掌坐者悲塵隘  
醲醑動相扇趣舍方來柴未問扶桑枝空嗟漢畦械  
嫋嫋金風過靄靄霜晨屆露狄嘯山椒雲鴻響江介  
伊人不可遇交終義為戒看君肉食姿安知黎與薤

與陳汝英送帥郎中夜飲宿正覺院

兼葭久已霜茂綠成素瑟人生各有適白日飛靈駟

星郎既靡盬軒車豈遑逸語默趣非殊泥塵道非一  
安知偃蹇性苦為法度嫉陳氏富貂璫吾兄自奇質  
不畏談天辯故是凌雲筆向暝息歸軒開燈坐玄室  
龍胎苦難授馬鳴又何必出來休上人頗為皇甫謐  
煩心尚有蓬素性何殊橘既謝樊中鷓肯遵縫際虱  
北斗不成量瓠瓜故無匹芳蘭對君酌烟蘿契應密  
乍覺濠魚得俱忘塞馬失何日濟蒼生相期采風實  
聞張舉主來南操江憶九江時  
憶管豫章門陽林啓丹旭磨鏡忽生光照我顏成玉

拭袖整雲翹。清商送繁綠。雖非絕世音。苦逢知者欲。  
纏綿會非倘。逅避歡寧足。結愛又生離。坐見思來束。  
蛾眉不敢揚。翠色憂為辱。空皆企良訊。連廊度幽躅。  
淒風櫟樹響。朱光棄人酷。向夕掩雲屏。相思淚如燭。

○寄南京陳侍御東莞二首

赤靈耀松子。金鷲翔女牀。君子懿文德。揚采其何傷。  
常恐浮雲蔽。羅薄生秋霜。窈窕泛清瑟。滅蕤援紫芳。  
感君零露美。有道庶皆昌。惟言堅銑質。調正玉繩光。  
東莞熒熒南海珍。英英柏臺俊。執法既星聯。惠文亦霜震。

神理不妙

神理備高奇。鑿局明冲澹。方希玄豹冥。寧徠鐵驄駿。  
在昨既聞董。方茲逾慕蘭。揣已乏周才。在物恒愆吝。  
衆生良匪難。烈士故有殉。安知采色妙淪。但覺青陽迅。  
屠龍我亦迂。彈雀君宜慎。昏爾結筠心。終知契蘭訊。

玉茗堂詩集卷之二

五言古

臨川義仍湯顯祖著

甄胄天羽沈際飛選

○○寄奉學士余公

有序  
各有丁

明公剡天台之神秀，把姑餘之善淵。參領三才兼  
資九德，既瓊敷以春潤，亦珠澄而秋實。遂標英藝  
圃，騰徽禮園師表人倫。長養道業，而顯祖以小沫  
之材，受書太學。仰大明之運，射禮諸生。受顏色  
於青衿，發須眉於素燭。龍光一旦，張公遙望於雄

雌馬色三年。董子不知其牝牡。自是賢關弟子。寧  
為聖代閒人。眷晤高奇。竊自雕飾。附懷數韻。

寧栖珠樹枝。寧食玉山薇。潛虬方與媚。雲雀未經飛。  
肯事州郡權。不通故人書。雪白有本性。雲清無俗娛。  
側聞大君子。承華布光輝。金姿粲芸闔。玉影生蘭扉。  
茵緼雲氣簡。歲蕤青史廬。何當彩墀裏。珍芬重襲余。

逢采藥者闕外

張公非韻淺。孫生乃思沉。處處可采藥。何為來上林。  
管來當夏首。今去欲秋深。停臚張暑暢。借宅延風襟。

肅氣豈不蚤。叢灌有幽陰。穠條俱下靡。弱蔓且勿華。

傾崖隱蟬唱。列隧繞垂音。黍稷雖已齊。膏雨尚遲臨。

在客豈無時。一再食林禽。想我家園中。榛蕪常見侵。  
懷香不可問。遠志復難任。

○崔兒行 在七級作

棲陰魯陽穀。信宿田公廬。道逢雙髻子。手提黃口趨。  
問從何方來。答言從構櫨。登嬉發茗戶。母出子見拘。  
直用充狸脯。不足奉賓厨。羣雛何啾啾。鬼鬼在須臾。  
觀聽發三嘆。為乞此兩雛。答言無所歸。巢傾母已無。

篇宛轉 菩提心獨

放之不能去。空為大鳥餽。屏營作方畧。令持示我姝。  
為我置高軒。養大縱所如。我姝應聲起。削楮以為樞。  
縷粘數縱橫。網薄相離婁。藉以翠枝葉。安設繡窻隅。  
飲以冰盤水。飼以紅粟餘。仍為潔瓜果。致祝兩禽初。  
○所○思○一是星中鵝。一是日中烏。精氣感無微。當知護汝軀。  
惠養豈不至。野性終踟蹰。兒童愛觀弄。長者意自殊。  
其自成飛。但往不復呼。住得 妙

○陽穀助田主人宗祈雨

叢壇歲有秩。社樹禮無違。巫歌既宛轉。葆舞亦芬菲。

不薄

何為闕幽應。希復驗靈微。滌川悲杲杲。瞻嶺佇祁祁。  
峻旅停揮笠。園婦罷抽機。西郊殊自密。東臯良已稀。  
畏壘今居是。汾陽余德非。豈愁行路暘。將念主人饑。  
占鳥時開筴。迎龍稍下幃。迴雲通海嶧。轉潤借河沂。  
揚冥洗燦怒。吐澤遂蒼威。昏祈畢月染。宵遲零雨飛。  
寧辭墊輕恰。兼此滌塵衣。主人登夏穉。浮客侍秋薇。  
雖無蘭與菊。椒糝餞神歸。

○陽穀主人飲

趨蹌乃人理。卧托非世資。經知華闕路。稍悟山中時。

儻然

不落套

蕭蕭河上遊。日暮風塵吹。何意客陽穀。始得坐茅茨。  
 前扉眺南雲。後牖延北颺。幽樹蟬鳴中。稍與樵歌宜。  
 主人重風義。斗酒相過隨。時時道風俗。間襍以書詩。  
 主客自臨酌。童婦或觀闕。竝言此官客。日昨自河滸。  
 如何屏騎從。冠帶了不施。妝薄不厭進。鷄寒亦肯持。  
 客聞自驩噓。愈益縱巾綦。想念家田下。風義亦如斯。  
 蕭曠樂斯土。奈何當見離。勉身一從秩。不獲戀所怡。  
 旅翼終南飛。徘徊經宿池。人生苟有情。別夢當遊茲。

南駐分泉

和甚

依陰發泉壑。開陽盛雲雷。揮珠卽橫厲。弭世暫徘徊。  
 神媪膏雲落。天孫漢雨開。唯王資轉輸。畫地此榮迴。  
 涓涓連衛潞。灑灑注河淮。高牂刺雲日。橫籌傲山崖。  
 敵陽至。神木斬陰來。浮吹徹終夜。飛艦常千枚。

珠粒山東泉。藿肉江南財。當知禹貽厥。宜歌帝念哉。

魯橋南望山

雲波美川色。綠蘚龍潺湲。在舟徒可咏。居情殊未閒。  
 魚鳧今透亂。蘭菊舊追攀。徘徊河上路。塵冥京洛間。  
 馬首臨西山。積雪徒清顏。素心悲荏染。幽期常往還。

綴得法 和何有情

秋光汶陽水忽見湖上山隱映不能去空然怨出關

○夜泛魚臺河

日夕汶陽道明湖影青岑發興已孤遠中波夾平林  
平林煙色微迢遞表暉陰明月若佳人杳靄來窺臨

夜黃時叫嘯陽魚恣奔沉颯颯高柳鳴檣繹撓風音

籟寂警玄律空明洞素心紛書卽冉冉良夜稍悒悒

愧彼蒼洲客茲遊常映矜

、答丁右武稍遷南僕丞懷仙作

斯人負高概情菽藹紛饒觸邪注冠影雅志在公朝

衣服近吾身有如裘與蕉升蕉有涼燠寒裘終不凋

斯人乃可去將無念霜朝西迴太行軸南縱廣陵橈

有客從瑯琊從君獨酌謔巾帶若山人玉鈎橫在腰

他人富貴媚斯人貧賤驕山中讀道書玉女時相嬌

但令有真骨數至自飄飄靈阿發昭輝逸駕動鳴椒

雲冥深秀資霞延仙隱標庶反山中駕聊用倚逍遙

汶上懷右武淮揚

山經嘆蚤草風人唵鹿萃徒言用相取寧悟氣須并

輪驩情有贅奈襍趣無羸美劍沉西山佩服豈得輕

遊仙詩

約結竝倫品，雅意驚通明。佳期易中折，初願難竟程。  
 浮游滄海姿，歸作豫章行。相期齊魯間，并溯東南征。  
 津途問來者，告我以淮瀛。適予滯南徙，濡舫不逢盈。  
 樓陰陽穀館，迎涼秋月生。秋風亦已肅，秋河亦已晶。  
 庭樹稍靡靡，熠耀且熒熒。燕姬陳簞幄，魯客媚樽楹。  
 徒知秋士愜，寧知秋士驚。如何廣陵道，花色重盈盈。  
 下作合歡種，上作芙蓉精。經過但言賞，跌艷即前呈。  
 丁生自言剛，聊為此所縈。佩珠思漢女，鼓瑟懷湘靈。  
 沉回自有托，搖落詎能平。旁人謂一官，不殊兒見錫。

如何何視

豪情自滔蕩，豈在束塵纓。念與君遊時，出谷鳴初鶯。  
 如何汶陽道，獨聽鴈悲聲。

送鄒爾瞻吏部

毵毵青鳳臺，裊裊嘉林枝。嘉林有餘蔭，孤鳳無停姿。  
 予本都人士，獲此映光儀。昔來楊柳津，今歸流火時。  
 遊旋及多暇，棊尊良寄茲。高張不可常，委迤非我思。  
 山川時出雲，中和為德滋。一節趨以晚，列宿光何遲。  
 美人常滿堂，目成今復誰。徘徊德音遠，何以慰參差。

江館憶別蔡青門



春華殊郁燁，江館憶凌波。花源漁父入，蘭渚楚人歌。  
豈不懷芳遠，徒令春望多。鳴葉風色麗，卷幔煙光和。  
江湖一尊酒，持許寸心過。

飛霞閣夜宿送冷道人遊嵩丘

天官吐青霞，陽華朝隱屏。似有采真人，泠泠向虛境。

五色費春耘，清虛意言領。開書疑杳冥，扶顏真秀穎。

赤熱金陵氣，叠暑江河永。清汗晝流離，當風扇猶秉。

人生正危淺，驕陽復茲逞。稍稍映虛真，習習襟期冷。

居然朝市中，咫尺會箕穎。始知飛霞閣，夜出甘露井。

願擊青荷衣，隨颺散蘭省。屏營坐星夕，倏颯煙裝整。

欵跨非遙崑，肅形非近嶺。滌蕩中嵩雲，轉側關河影。

河影月精流，闕氣真人警。長恨滄煙外，奇懷失遮請。

牛女足開神，江湖寄千頃。

○已丑立秋作

抵得六月苦旱詩多少句

水價日百錢，淮清江水濶。他生常苦饑，今生直愁渴。

渴鳥無轉勢，枯魚自噓沫。斷想入梅雨，已覺露華歇。

山川不出雲，星雩盡茲月。始疑天意遠，敢云地津竭。

迎秋稍沾浥，木葉早枯脫。夏雨瀝金珠，秋水灌毫末。

○送武部周元孚歸黃州

波瀾拂青鳥，風雲翔翠躡。俛仰各有致，浮沉中自知。  
 楚客詠蘭芷，江煙渺佳期。及此晤言笑，已惜青春時。  
 我心殊鬱陶，世路良參差。關河氣未死，江海人猶饑。  
 王氣緬終古，輕心常在茲。武庫新留仗，羽林舊孤兒。  
 畧約未敢問，精整存有司。當官廣有人，須材今復誰。  
 君當江陵相，天出蚩尤旗。契濶上封事，的皪施顏眉。  
 長星十年後，流入千里思。邊風鴈門影，海氣青田姿。  
 賴有董夫人，雅麗精文詞。奉倩惑傾城，安仁惜瑤姬。  
 棲遲長路意，婉戀洞房私。有情能不極，多才難自持。  
 秋色何蒼然，懷人益淒其。風塵淮楚路，煙波河漢涯。  
 誰能世紛淺，願言顏髮滋。

○○夕林 題好

械械花巖幽，竹葉微風吹。涼螢亂池上，水鳥時一叫。  
 清沐坐來久，前林月開照。不知山氣深，冥蒙覺葱峭。

○江樓曉望同劉司業鄒吏部

夜色明江樓，月露泛涼瑟。俯窺光響流，仰瞰星河溢。  
 徙倚未能寢，昏旦一何疾。空波滅餘霧，高臺障初日。

此等句鍾  
譚知已

意壯

夕○景○通○真○

眼○尖○

惠風衿帶間。泠泠清意出。

○秒秋度嶺却寄御史大夫朱公王弘陽大理董

巢雄光祿劉兌陽司業鄒南臯比部五君子金

陵

素秩守山陵。積歲在星祠。如何別君子。垂雲簸天池。

清齋出涼門。尊酒各前辭。婉彼蒼蹊奏。澹然瀟湘姿。

迴風吹木闌。寒生青桂枝。冥冥水波遠。日暮心欲悲。

宮闕有明雲。嵯峨氣依微。五嶺望超忽。叢山阻遊夷。

虫豸夾我吟。蜚翠拂蘭漪。所思一箇臣。嘆息綿蠻詩。

首蒼遠

何當叫我友。凌風以高馳。問路逢流星。寄言河漢私。  
閔嘿路方始。嬋娟知為誰。千秋有佳期。百年安所希。  
玉津以止渴。芝華持呷饑。

○靈洞篇呈趙太史蘭陰

詞堅而響  
看景亦妙

赤松隱靈勝。寶婺明清淑。高霞流紫白。鳴泉亂松竹。  
參煙石。藤古瀉。月峰蓮。獨時棲。曖菴禽。或倚啣花鹿。

執一者語

春橋遊士女。煙臯下樵牧。丘壑自專一。巖洞古傳六。

芊綿步東迴。嵌空臨下蠹。雨華石乳滴。日氣丹芝馥。

蕪沒半千歲。始獲第三谷。太史此藏書。江潭遂初服。

侍講金華殿。試結蘭陰屋。隔以清淺流。障以森沉麓。  
激耳流風鮮。過眼歸雲熟。夜明山氣深。巾帶坐如沐。  
吾鄉張與鄧。於茲信言宿。雲跡各飛眇。世事有牽促。  
出山亦偶爾。幽意豈忘目。流想青桂遲。坐嘆紅蓮速。  
祇恐丹青人。無因反巖築。

○懷帥惟審郎中戴公司成

著冠須訪戴。脫冠須訪帥。磊磊一心人。離離十星歲。  
戴公入山水。淡迹分明昧。喜沾清悟姿。不惜沉冥醉。  
帥生能造酒。酒色清如菜。高談常夜分。哀歌忽雷潰。

自有晉歷

兩君真晉人。土性有癡慧。相見卽相親。了非心所解。  
如雲墮江光。顛倒影在內。心歡長若茲。日月亦清快。  
重來斷清嘯。不復可人在。影撇事詩酒。按拏坐巾帶。  
帥生煙霧中。戴公江海外。但想卽成笑。寄書亦何賴。

顧膳部宴歸三十韻

時大水饑

年深情易盈。春蘭氣方煥。齋房常自清。登臨每傷獨。  
同人風義生。命我春清熟。新雨道無人。越歌山有木。  
甚設苦難常。爲期省相速。適往纔張具。且坐遺巾服。  
行碁過格五。點局殘花六。豆間依古禮。坐次隨年錄。

素盞溢芳温。青蔬襍蘭菊。無事極脂膏。風斯映明淑。  
心清笑則雅。興洽談逾穆。留連清夜沉。偶嘆春年肅。  
河北人猶流。江南子初鬻。行人深掠食。縣官粗賦粥。  
杏花差有畔。苦草正無幅。黃星春不歿。青歲鳥猶宿。  
微祿幸三飽。清齋休五肉。秀麥候皇明。妨粢悵神牧。  
一人同向隅。諸兄須仰屋。凡百關天運。有萬依王福。  
江湖初繞雷。神州方蘊積。舉白但歡展。辭觴敢嘖蹶。  
滅燭步除陰。明月隱深竹。風庭猶數杯。淋浪居未逐。  
金析夜沉沉。玉銜清琅琅。還齋深思餘。倚檻端居伏。

詩補了  
見

風露藹延和。華桐暗相馥。岍憤且輕首。啜茗殊清日。  
側看星尾遲。遠聽鳴鷄速。向署首明祠。靈妃方捧祝。

○○怨婦詩

未是詩句

行出鳳臺門。遙見一婦人。懷愁須借問。雪泣始言因。  
本是臯臺女。穿珠遊漢濱。相逢拾翠子。聘以百流銀。  
阿母結香纓。阿爹持繡輪。江陽萬餘里。飄搖一女身。  
遊絲亦有高。芙蓉定無深。恃此朝雲色。常懷明月音。  
何言朱雀桁。別有鳳凰簷。棄妾青樓晚。閉妾重門陰。  
陽霞珠似粒。陰雨桂如薪。珠花全轉折。侍女罄隨人。

李後主可  
能破一字

寧惜容華變。恒愁芳潔淪。永束青苔恨。去赴綠楊津。  
纔驚忿鸞躍。瞥見孤鶯沉。江妃倚浪笑。漢女逐風吟。  
失意已從占。傷心非獨今。無祿拾香骨。持寄薄人心。  
夏至齋為西署芟竹

方陸闕靈祀。清齋澄宿禳。俛仰罷文奏。信宿晤良歆。  
瞻彼蒼琅竹。翳此芳華林。東園悵蕪蔚。南署稍蒼沉。  
遂覺來蹤淺。翻令徃意深。經營命臺史。顧盼惑流禽。  
芟根絕橫阻。披枝令上尋。希間留挹露。密處待延陰。  
且佇壇場色。空凌雲漢心。

送吳幼鍾歸皖

嘉會信流止。通懷時閉申。悠悠紛可悅。夢夢具誰親。  
影纓感來拈。搦管喟先民。豈無碎首烈。密此惠心人。  
磬折有餘妍。玉輝時映身。在官非遠爾。接陌有如隣。  
色笑動淹夕。思存寧距旬。素心飄以遠。芳意密難陳。  
美人及遲暮。君子亦清淪。取慰白華想。寧詠紫芝辰。  
遯思徒可勉。通衢宜見遵。

送沈郎陽

清漳藻奇色。奧嶺結暉英。興文既以鬱。勉身能自清。

相勗語

亦自適

三才堂詩集 卷二  
三  
萎蕤曲臺上，徘徊多友生。青鍾臨樹羽，尊酒寄琴笙。  
方歌零蔓草，何言流蚤鶯。陶陶孟夏中，悠悠江漢征。  
澧沮映南渚，秦蜀遶西傾。流眄易風聽，卧理卽神明。  
無事東陽守，徒流高咏聲。  
送郭考功北征采藥南歸  
汜濫青雲浮，晻藹飛風集。河漢夜何明，江湖氣方急。  
恭逢惟德銓，深心此柔輯。好與羣龍旋，分隨高隼執。  
江山自凌峻，榮賤有階級。朝陽秀初披，玉笙清可吸。  
連經綉史榮，寧邀璽郎入。悟彼清河嘆，庶此寒泉汲。

雄峻

沂言動臯壤，周咨在原隰。勉爾慎津途，寧論取棲粒。  
○○贈唐仁卿謫歸海上

津、衢、無、與、士、舊、峭、有、奇、人、居、懷、徒、可、積、抗、辨、力、誰、馴、  
道、術、本、多、岐、况、復、世、所、尊、風、波、一、言、去、嚴、霜、千、古、存、  
揆予暮甘寢，未息兩家紛。方持白華贈，殊望桂林雲。

○送汪仲蔚行藥匡山

長陵美雲氣，日至候靈飈。神臯方晻靄，祠署肅嘉招。  
如何侍清列，不見子風韶。青青能幾時，幽谷有鳴喬。  
方當振長纓，與子立於朝。風迴閭闔遠，林寒芳意銷。

滅燭動孤寢。山川殊未遙。棲香爐嶺雲。同波江海潮。  
 方深子牟嘆。非忻園綺超。寂歷有寤語。棲遲成久要。  
 出自嘆西門。南望石城橋。的的芳梅萼。猗猗嘉橘條。  
 雖無玄朔姿。庶以南國標。何為來水裔。倏忽在山椒。  
 終知及遲暮。聊用永今朝。勉爾山中人。當知予寂寥。  
 送范敬之郎中奏滿便遊匡山

受命鍾陵下。杳曖蒼梧間。清齋隔浮世。道書酌素顏。  
 往往應鄉語。時時留子殫。君容何樸樸。君心殊蕙蘭。  
 雖沉中聖答。彌著獨醒言。塵情若飛葉。素愜乃流根。

忽聞當北陸。奏秩且南轅。芳春集廬嶽。晏歲及家園。  
 家園日月晚。廬嶽煙雲繁。出山苦不易。入山良復難。  
 願言勗幽躅。無令芳緒殘。

○和別李儀郎道甫

湛氣浮虛中。流塵日相輸。細人常不間。君子亦云鶩。  
 銷心緣宿迷。洗氣令新悟。對俗自含嘿。傾知忽流露。  
 旁人非所踰。之子獨延晤。經知世上懷。頗愜英流趣。  
 何用慰晨風。長言警宵露。

○送汪汝立郎中奏最兼懷吳幼鍾馬長平



文馬處  
日草法

京華今幾時。當君客淮上。車煩想舟楫。淺語正微塵勞愛波浪。  
 君為賢主人。夜月隨官舫。浣此客心憂。清光與浮漾。  
 素惟風義佳。轉愜神情王。朋尊故靜好。落葉時惆悵。  
 所知新太宰。吾師今副相。人生豈無涯。如話世法各有當。  
 緬君蒼素姿。暑路風塵傍。不知歸皖否。可迫甚悉吳生狀。  
 前觀乞米帖。君歸與籌量。無令卒饑死。負此時賢望。  
 非遊君有人。猶龍馬生壯。此生好馳馬。吏事能精強。  
 嚴役在江嶺。還都足酣暢。有才費雕刻。雅意歸玄匠。  
 送君過夏首。節物深駘蕩。日氣清江陰。煙光綠蕪漲。

但去勿徘徊。長安心所向。

○慈竹山

暮雀何啾啾。桂樹青簷端。飲隨花葉滋。饑將木蕒殘。  
 鼓翅若有餘。何期孤鳳鸞。千秋江海上。啄啖金琅玕。  
 威蕤自歌舞。豈不凌饑寒。胷胷軒轅子。裁音入雲間。  
 上有鳳凰臺。下有慈竹山。

慨然不爾

玉茗堂詩集卷之三

五言古

臨川義仍湯顯祖著

甄胄天羽沈際飛選

○青雲亭上作

孤生翫玄滌，風標好弘獎。遠懷塵外蹤，乍此空中賞。  
 亭隧遠阡綿，川臯歷遐廣。曖曖見人烟，蕭蕭覺林響。  
 野牧散坳堤，巷犬鳴墟壤。綠水蔽荷蕖，原畦半菰蔣。  
 南郭坐來清，西山幾時爽。雲深山鬼暗，風輕谷神敞。  
 虛夷故有適，靜寂寧無想。青雲恒不銷，白髮偏能長。

曠冥

未獲了明窻難辭嬰世網故物豈重來幽人自茲往  
穆天子

穆王駕白鹿西飲樂人泉盛姬誰家子婉戀隨周旋  
朔風吹羽獵重臺障嬋娟盛姬忽告病天子益悲憐  
寒漿渴莫飲虛此進壺輪迴望樂池南京響震窮天  
百物在明器千官虞夜筵流星日月旗鍾鼓送行旃  
所次即傷心為語輒流漣穆王雖耄荒盛姬殊少年  
如何西王母白首佇雲煙西賓庶無歿東歸難自仙  
君看偃師伎徒言膠漆堅

可思

戚夫人

寶劍決雲氣零蔓亦何常不見沛亭長一朝為漢皇  
管從呂公女今奏後宮倡中有戚夫人時時陪曲房  
折腰步天裊翹袖頓飛揚出塞復入塞望歸心自傷  
後宮齊高唱哀響入雲翔終日不能言倚瑟涕何長  
心知萬歲後誰能憐趙王千秋銅雀臺婉戀為分香

○秋夕

亂螢飄熠熠蟋蟀悲何急納納羅衣裳冉冉淒風入  
獨坐渺無言自起闌干立

似李白

三才堂詩集 卷三  
○湯考功招遊燕子磯別洞獨宿圓愛師房六十

韻

青春白日遲，沉陰物色遽。黯淡青華姿，冷薄芳時趨。  
清齋饒稚卿，出壑懷謝傳。莽蒼誠自喜，漸車非可履。  
愁看雲物沈，喜見荃蘭豎。遠遊那得期，近宗差足御。  
月夕乍披朗，花朝擬容與。茂苑吾宗秀，眷言賞心晤。  
文樽一二好，簡書三四寓。幸不懸長雨，且復晞流露。  
差池遶西泚，掩靄違東署。蠹蠹臺城門，灑灑明湖路。  
萸楊流宿鶯，華萍起窺鷺。始知春氣深，及此佳期赴。

精廬且朝食，主人出延步。寒暄三舉爵，圓方一投箸。  
分金飽騎從，更衣渴馳驚。先驅流食架，後程需卧具。  
暄颺卷幃入，陰煙承蓋度。蒼疇地脉起，白水雲光布。  
微麥酒陵阡，疎梅映村聚。時聞雉清叫，忽見鳧驚翥。  
青江信明遠，層城真笑固。市擁鮫人泣，磯臨燕子嗉。  
葩華鳥瀾蹙，澹沲崖光注。磐石似龜鼉，舟船如鴈鶩。  
春波正流美，晝風飈起惡。且入閩陽洞，相趨折蘆渡。  
峽寫有根雲，罅折無枝樹。落磔分委積，崩湍轉流輪。  
地益插箕踵，天標眩環顧。時時席礪硯，往往屣沮洳。

畫凡、景、布、得、奇

瞰空引一竇，盤渦有三處。初行地響咽，再入天光吐。  
後房竟幽燠，久坐若清曙。響像層潭府，密歷潛達附。  
鏤鏤費鬼力，窟宅由人遇。常恐風波入，閃爍蛟龍踞。  
通明暫揮酌，愁陰且言去。亭臯靡芳築，津石流檀度。  
不見銖衣拂，但聞金策駐。管物豈今存，今人非管豫。  
芳遊難可歸，官方各隨務。單已動禪悅，初心愜遲暮。  
畫閣諸天杪，白路恒沙數。背崖捫削成，蹶虛倚懸拄。  
剌剌人上慄，莫莫神傾護。深心蕩霞日，遠氣冥煙霧。  
鳴榔厲似織，擾翰歸如呼。燃燈下山關，談經開釋部。

深心蕩三  
字在霞日  
上有悟

好相坐神語生老勝韻遊新故。凡夫偶問疾，智者寧深怙。  
林吹稍流楚，白月延心素。中時飯色遠，永夜香心炷。  
如經四遊歎，初深知一宿悟。卧聽風潮翻，起看蒼莽互。  
日出陰光隱，花開世界露。昨遊既陳迹，今居豈常住。  
心清即事遠，善勝由人助。寄語賞音流，回還續芳緒。

結欠  
淵永

定安五勝詩 有序

敬觀縹錄大宗伯王公，僊居瓊海定安。山水奧麗，  
鴻清條為五勝，頗為咏思。其雖性晦天海，神懸仁

詩乏遠致  
所語畫肉

智至如幽探，閱采常為欣。言不覺忘其滓，懷永彼高躅。云爾。

五指山

遙遙五指峰，漸絕朱崖右。飛聳明光輪，嵌空巨靈手。叠嶂開辰巳，修織露申酉。天霄煙霧中，海氣晴明後。一峰時出雲，四州紛矯首。主人定安秀，晞從鑿靈牖。嵐翠古森洒，揮弄亦已久。方從吳會問，離離揣星斗。彩筆峰

四首勝

突嶂抵層雲，鈿巒撥飛鳥。葱龍石笋大，刻削蓮峰小。翰林為主人，含毫相緬綯。懸知東壁夜，直柱南雲曉。時時几研間，倒影來青嶠。何來玉宇書，從崢映華表。

金鷄岫

綵筆凌峰雲，清溪隱崖嘯。離為朱鳥方，異得金鷄妙。崢嶸冠雲石，歲蕤被林峭。非止金華鮮，傳聞昔光耀。遠氣星潮引，近色嗽霞照。送此翰林人，撫翼天門召。羈棲漢祠影，未振秦川叫。暫此鷄籠山，憑虛舒聽眺。

馬鞍峴

五指的南溟，一指搖東境。佳氣若駿奔，奇石相項領。  
遠飲朱崖津，高折騎田嶺。精靈常五色，權奇非一景。  
中有最懸石，如人踞鞍騁。秦鑿餘烏龍，漢祠倏金影。  
峴口發精奇，噴玉煙華整。白雲起鞍中，天門路方永。

青橋水

海中有靈宅，四望千迴溪。偃宛丹石橋，綽約青雲梯。  
西暉灌文馬，東影明金鷄。地脉素流美，風物并縈隄。  
綠石碎雲口，青苔沒鳧鷖。春橋宜笑語，煙水足遊棲。  
遠夢滄浪清，憺言芳草萋。朱門若江海，推排庶可齊。

部中鶴

曲臺雙白鶴，日賦十餐錢。微、寓良為升合資，留滯江海年。  
傳呼卿出入，引吭飛舞前。軒墀看鶴人，時與小翩翾。  
鳳凰猶可飼，安得羽中僊。

茶馬

秦晉有茶賈，楚蜀多茶旗。金城洮河間，行引正參差。  
繡衣來漢中，烘作相追隨。以篋計分率，半為軍國資。  
番馬直三十，酬篋二十餘。配軍與分牧，所望蕃其駒。  
月餘馬百錢，豈不足青芻。奈何令倒死，在者不能趨。

切中時弊  
非徒句矯

倒死亦不聞。軍吏相為漁。黑茶一何美。羗馬一何殊。  
有此不珍惜。倉卒非長驅。徒兒猶餓死。安知我馬徂。  
羗馬與黃茶。胡馬求金珠。羗馬有權奇。胡馬皆駘駘。  
胡強掠我羗。不與丘驅除。羗馬亦不來。胡馬當何如。

○胡克遜

人言西北邊。有獸名為遜。性不喜獸鬪。逡巡解其困。  
獵者知如此。設鬪日馴近。相愁來解紛。陰遭此人刃。  
食肉寢其皮。似貉花文嫩。西州貴將吏。茵褥厚常寸。  
萬萬笑何憫。猩猩啼莫恨。此獸仁有禮。錯莫身為殉。

可以喻大

世有麒麟皮。為鞞復何問。

○宿浴日亭因出小浪望海

為郎飭星紀。江湖常久居。倏忽過南海。扁舟挂扶胥。  
隱隱岸門青。杳杳天池虛。培塿澹凌歷。氣脉流紆徐。  
潮迴小洲渚。龍鱗勒溝渠。於中藏小舟。其外懸日車。  
雲影蒼梧來。咸池相卷舒。孟冬猶星河。淡月沾人裾。  
陰湯盪揮霍。精色隱踟蹰。濯足章丘餘。沐髮扶桑初。  
濤輝臨洧盤。若木鮮芙蓉。西顧連崦嵫。東眺極扶餘。  
小浪亦莞爾。大波始愁予。嶼舶自吞吐。樓櫓成煙墟。

日車咸池  
扶桑若木  
扶餘崦嵫  
登用厭目



飛金出熒火。明珠落鯨魚。吾生非賈胡。萬里握靈糈。  
掩靄羅浮外。傳聞僊所廬。玉樹如冬青。瑤芝若檟櫛。  
陽鳥不日浴。晝夜更扶輿。丹穴亦不炎。好風常相噓。  
白水月之津。一飲饑渴除。徐聞汝僊尉。去此將焉如。  
似昔黎不免堆砌

達奚司空立南海王廟門外

司空暹羅人。面手黑如漆。華風一來觀。登觀稍遊逸。  
戲向扶<sub>何百</sub>口。樹兩波羅密。欲表身後奇。願此得成實。  
樹畢顧歸舟。冥然忽相失。虎門亦不遠。決撒去何疾。

身家隔胡漢。孤生長此畢。猶復盼舟影。左手翳西日。  
噴句帶中裂。嘲隴氣噴溢。立歿不肯僵。目如望家室。  
塑手一何似。光景時時出。墟人遞香火。陰風吹崒崒。  
上有南海王。長此波臣秩。幽情自相附。遊魂知幾驛。  
至今波羅樹。依依兩蒙密。波聲林影外。簷廊暝蕭瑟。  
衙岡望羅浮。夜至朱明觀。

炎方已中冬。氛氳煦南畧。名山紛我思。隔絕遊未擬。  
江海亦何意。謫居欣在此。沿迴石灣岨。紆舟水南止。  
果得羅浮狀。坡陀蘊靈詭。初行坦襟帶。平岡十餘里。

稍入向疇隧。夜雨冷山水。木末已寒裳。草根半沮履。  
嶽嶇豈忘嘆。念此孤遊始。縣延遠煙外。片赤殘陽裏。  
不見飛雲末。但覺飛雲美。矯若龍影升。細若鑪香起。  
朱明洞天口。木葉紛旖旎。路黑愁棲禽。號林隱蒼兕。  
襟袖石門間。餘霞青徙倚。

○陽江道中

恩春少佳樹。向北梅花久。入門問小吏。知是蓮塘驛。  
蓮葉落已久。林塘映非管。參星到庭戶。素月沾簷隙。  
從織猶在野。無衣念行役。炎州少冰雪。流光去無迹。

旅况依依

惟餘千里心。間房眷幽容。

○檳榔園

熒熒煙海深。日照無枝林。含胎細花出。繁霜清夏沉。  
千林蔭高署。羽扇秋蕭森。上有垂房子。離離隱飛禽。  
露乳青圓滋。霜氤紅熟禁。墮地雨漿裂。登梯搖遠陰。  
落爪瑩膚理。着齒寒侵尋。風味自所了。微醺何不任。  
徘徊贈珍惜。消此瘴鄉心。

○讀延庚樓詩有懷

并序

卧冰橋李叟。示其父所遊知名士往還詩草成帙。

十實是咏  
物詩

吳太守鉞詩最多其詩與字俱有法能成其家章  
袞樂襲陳九川徐子弼不如也吳公有延庚樓士  
大夫歌嘯其上樓甚高廣今爲他姓有書畫無存  
而李叟獨念其父所執珍襲持護模榻整綴使後  
之人知百餘年間臨川猶有唐晉人風尚不至以  
孔方兄驅除子墨客卿也悲夫吳公爲名御史太  
守稱雄豪當其時視李生貧老人耳過之酣噱不  
問晴雨豈不謂於李生光重乎而卒之其字與文  
李生之子反能惜而存之其親子孫至不能存其

一樓也歸其帙而重之詩

吳守棲黃橋李生宿青郊時時五馬來春漿布闌着  
好鳥無遷枝幽鳴常交交愁霖唱秋水深杯對堂坳  
字矯若龍旋詩飄如翠捎置之吳市中生綃泣潛鮫  
延庚發光響高樓凌飛颺惜哉今則誰尚書紛已拋  
李生子猶存鈿軸明鱗膠爛熳古痕色影映相關抄  
翁沓錦雲連迸裂珠泉跑安得携此卷登樓向星匏  
始知富貴兒不如貧賤交君看古名迹常得照蓬茅

吾廬

大父喜書詩，大母愛林池。嘉魚薦君子，嘉樹引其藁。  
藏書倏以火，林藻積披離。十載居無常，辛勤嚴與慈。  
連石構川崎，鑿翠啟堂基。四阿長中繩，三門映重規。  
文昌通舊觀，東井飲餘暉。出入橋梁望，鬱葱佳氣微。  
層臺對金玉，隈阡隱靈芝。吾廬亦可愛，復此倦遊時。

蘇翁家乘  
中用得

○龍沙宴作贈王翼卿大憲

四明山海姿，公才發葱蒨。英英霞表雲，睽睽巖際電。  
都水從以清，太府政猶擅。遂秉北垣法，一視南洲彥。

道豈青衿闕，風從蘭蕙變。文章既在茲，典刑復誰先。

趨風大憲府，就日禪林燕。大雅揚濁清，深心及疵賤。

江遠暮帆急，坐寂流鶯囀。恒沙虛靄微，定沼空明炫。

真風良可挹，沉憂苦難遣。看君凌霄骨，流光開寓縣。

西笑及斜陽，長安安可見。

○題李伯東觀察玉嶺咏竹詩後

君家佳兄弟，風義雅相熟。列宿懸高天，相望限川陸。

清霜炎嶺外，石門泉氣肅。扶搖江以西，過我棲靈谷。

堂流雅歌韻，路與椒蘭馥。駟馬芝城來，一飯鍾陵宿。

青 妙結應題

王荅堂詩集 卷三  
玉嶺夜生白翰墨冷修竹輕稍點染後煙臯坐如沐  
以君雲漢心澹我瀟湘目

○從張相國桃花嶺敬次八韻

昔聞桃花源今見桃花嶺安和出世心居然妙者靜  
山川動凌歷攝應在俄頃石室搖天牕花宮注靈井  
心隨雲壑遠色與江霞靚咲拍洪崖肩步駐鸞簫影  
透迤黃綺事眷戀空明景問道此何時汾陽氣方永

○答藍翰卿莆中

有序

立秋周仲先明府過此而後括蒼生葉榦至始得

誠是胸家

翰卿所贊詩草并良書千言情詩三首循之奧博  
精麗蓮岳不足爲其峭深蜃市不足爲其光怪昔  
人覩靈光而罷賦讀雌霓而軒衡異時翰卿以之  
矣如云名踪安可窮去去勿復辭不愁久行惻寧  
無衰歇情誰令志不舍長與古今愁高煙白日寒  
千秋長不虧游媚性所拙慙悲寧可裁鑿已固已  
老狗物亦難任勞思不能寐感物愁逾昨憤切怨  
幽當令嵇謝掩泣夢賦色古味雋不無微長之累  
如云或浮獻其逝識或浪效其昧姿或貌常而道

故或傳駭而理遺。此語在鬼神中大有響象。至云  
傲無垠之大儀。選自然之微理。悟返出門之車。妙  
湛受輪之器。可謂能言獨詣。如此退居弟子。誰是  
先醒。使人慚愧。雖然必有以報。九日一問龍沙。取  
道麻源可也。因而成詠。感翰音之遠聞。效同明之  
一照耳。

五十今有餘。百歲苦無一。榮華悽後雕。朋儕感先暱。  
初傷文賦情。久卧煙霞疾。所期動蒼莽。此意成蕭瑟。  
不謂嶺海內。乃有淵雲出。玉瘁悲秋九。枚壯觀濤七。

前手首錄

勢與飀稜厲。風兼羽陵逸。靈光嶷以存。鮫珠淚猶溢。  
運往有生慮。情來無竭筆。望遠慚空虛。才難懼超軼。  
桑陰殊未語。蘭期恐相失。爲恭或師友。謬引真憐匹。  
我家銅陵下。寒燼生桂榻。麻源動清淺。沙城淨微密。  
有客時過門。無人相入室。笙歌幔亭外。登高共雲日。  
離居悵伊始。長聞見方畢。將子尚能來。風斤試靈質。  
、、丁未上巳同丁右武參知王孫孔陽鬱儀菑南  
西山侍張師相杏花樓小集蕭中藍翰卿適至分韻  
得樓字

杳爾下春水，陶然寄扁舟。章門期舊好，鸞岡恣冥搜。  
西山委層陰，湛波長江流。時陽眷方美，條風歛已遒。  
蘇蘇楊柳津，旒旒鶯燕柔。客行殊未央，端居常有憂。  
有客青蘭軒，歸心能見留。簪裾藉朝宰，履舄延宗侯。  
飛觴指明湖，解帶臨高樓。東西坐忘偶，方員環庶羞。  
坐久海色動，蒲中人見求。言同千里心，豁此三春眸。  
安知風雨夕，翻為桃李秋。開牕吐飛雲，竹樹鳴飈飈。  
深閨自多響，眺聽此樓幽。夕物歸餘清，青華彌道周。  
江山豈常日，歡悲難豫謀。且乘燈燭光，追隨良夜遊。

西園律

興懷永和作，銷心河洛謳。被潔竟何與，蘭言差獻酬。

澹臺祠下別翰卿有懷余德父用晦王孫

偶乘桃花源，泛此章門水。泥泥風雨生，浥浥芳華委。  
上巳長林臥，寒食青煙起。淒涼江楚路，留連二三子。  
王孫良可遊，交情及生死。雅○人○深○致○夕陽外，素謁寒花裡。  
翰卿莆中來，風義三千里。含情瀟湘素，候氣關門紫。  
追趨苦言別，興屬詎能已。我心宵河漢，世路聊復爾。  
有適動惆悵，欲贈殊倚徙。皓鶴下蕪沒，青禽啜花蕊。  
矯首澹臺祠，空傷昔人美。

○答陸君啓孝廉山陰

與尺牘卷  
陸景鄴同

出咄臨川  
獨推宗未  
景濂先生  
以其文質  
而古不掛  
頭書角也

幼志在詩書，吟呻不去口。辨稍窺文賦，名已出戶牖。  
坐此實空虛，學殖未能久。文家雖小技，目中誰大手。  
何李色枯薄，餘子定安有。國初開日月，龍門實維斗。  
魚珠取何泣，虫絲足于嘔。有大聊可觀，無微亦當醜。  
澹如星漢垂，縹若煙波迥。天機常內斡，神明非外守。  
翁忽動生氣，鮮芳綴微糅。此中誠獨知，衰齡半百九。  
行嘆昔人先，常思我躬後。不謂崑山姿，千里漏瓊玖。  
興激山河親，意慙風雲受。孝秀始無前，羸悴肯相友。

長卿已乘化，雲杜欲稱叟。念此發悲涕，何時一杯酒。  
托契良在茲，深心延不朽。見子成大名，江湖方矯首。

○清遠樓送平昌葉梧弟榦太學上都

門有千里客，十年纔一晤。長跼未終揖，白髮黯相覩。  
蒼匆定寒旭，造次及盤筯。周咨吏民故，詳涉生慮。  
淹駕坐清遠，貧病日高倨。雨漱寒泉汲，風動枯梧據。  
疑析動今古，宴笑連昏曙。河梁秋未深，脂車良已遽。  
起嘆歸雲疾，時看倦鳥翥。此中不欲久，羈棲復何處。  
覆甌子雲宅，擲筆金門署。涼風卷絺綌，遠道理衣絮。



有美能不懷，無勢得相御。風煙一時集，氣色兩家與。且醉勿復談，明朝送君去。

○喜小江饒翁榛六十

中春步遲日，南榮望東里。何意竹林塘，乃有隱君子。結根既喬木，成蹊自桃李。寬兮長者容，樸爾先民軌。屈色少冠蓋，醉語或玄史。時因采藥行，每聽吟詩喜。榮枯四十載，吳越三千里。過從常日夕，留連在山水。靄靄春洲紅，曄曄秋山紫。樂郊多種樹，清曠時隱几。有、此、兩、句、全、首、神、王、物知肥遯貴，道以觀頤美。方為少者期，含哺老人子。

○送余成輔歸清流成輔遠遊求應世之技而好

語清狂勉之

客從臨汀來，長流氣清穩。登躋古人事，行色千里遠。念子來何遲，吾生修已晚。采秀違春蹊，寒蘭及秋斲。浙浙草虫嘆，幽幽白雲返。風霜遊子衣，蒲稗客中飯。晤言深贈策，時清動懷卷。雅志在山王，無為慕嵇阮。

○平昌懷余生棊中州并懷朱用晦生德甫公子也

池上久蕭索，遲江通竹門。刺促浮名子，風塵誰見奔。○靜○閑○古○今○能○言○其○要○恍兮中有精，妙者竟何論。環轍聖所失，端居凡所存。

清而腴

撲盡筆底  
塵土

如竹隱深竹。靜嘿無世喧。寒色亦已遠。雅意在丹元。  
斗西故王孫。逝者悲靈根。傳君適嵩岳。留為笙鶴言。

○陸元白岳伯宴作

長安曾滿堂。良儔秀瞻矚。風神傾一座。微言謝氛俗。  
揖別知不忍。托交心所欲。搖落三千載。舉翅見黃鵠。  
薇垣限清切。鍾球未可觸。乃知君子心。風義一何篤。  
樓觀動蒼遠。巾帶時一束。夜寒風雨深。涓涓注醅醪。  
其政則米鹽。其心則冰玉。坐惜懽時晚。起嘆更籌促。  
感君清以凝。將歸調玉燭。我覲不可常。何由奏心曲。

陶常風味

○贈舊盱守吳淞張伯常觀察并懷馮公時可

昔飲神姥井。常眠簫曲峰。鷄犬天中鳴。煙墟雲外春。  
良哉二千石。煙膏盈四封。一葦臨川城。迴回安可從。

春風吹豫章。燕眺承清容。披以華亭篇。披豁生微悰。  
素若月窺篠。蒼如露滴松。江靜散霞綺。巖虛出雲重。

寂寥僧磬間。時一聞歌鍾。馮公括蒼時。揮灑興何濃。  
淡迹到黔越。開心見吳淞。長吟滄海間。雲中成二龍。

○方鍾岳叅伯宴作

虛薄南都時。奉常感撝挹。峩峩清佩間。揚休若山立。

攬轡靜江海，周咨遍原隰。新安雲卧久，起滯風雷濕。  
 川嶺道路長，澤國風繇習。吏隨衡藻淨，戶覺萑蒲戢。  
 貂珥無殘木，鼠雀有餘粒。復此鎮南洲，下榻禮逾及。  
 把酒臨江樓，江春去何急。遠岸歸漁樵，晴雲動暄蟄。  
 薄俗理難定，薇垣法須執。幽谷有鶯求，中臺候君入。

平昌射堂再葺喜謝掌故烏程孫見玄先生

繫予為射堂，精華氣相迫。列宿亘環互，三垣爛可摘。  
 時來風候清，如窺月巖隙。宮墻及諸子，樓觀滿六籍。  
 空知朋好求，誰為我躬惜。倚與孫夫子，三嘆撫陳迹。

初唐有此  
 等經語軍  
 竟非陳際  
 滯氣

攄精動維斗，決匈開震澤。章甫越人路，絲竹靈光宅。  
 相於茲誦晨，晤彼文尊夕。同人習坤靜，大壯睇乾闕。  
 井逕虹蜺生，戶牖風雲積。徒用感斯文，無因佐于役。  
 戢戢魯諸生，何時射鄒嶧。

東作懷周繇貞明府南昌

達人貴濟世，知音常苦稀。陶潛覺今是，蘧瑗悟昔非。  
 雖云息交樂，終悲懷卷違。蘭陵賦雲物，郊干眷旗旂。  
 我有良友人，傾筐佇前輝。氣茂神理清，襟虛言咲微。  
 心賞暫所悅，目成良可睎。握別動盈歲，從遊霜雪霏。

燈燭醉餘寒。蒸樵飲朝饑。鸞鶴從西來。山水當鳴徽。  
聊爲朝夕言。忘吾天壤機。歲晏難久淹。車馬送言歸。  
歸來垂中春。田事遶荆扉。野雉旣登墉。黃鳥復飛飛。  
被潔方及辰。臨流振初衣。爲問神明宰。南洲誰見依。  
○上巳前一日永寧寺同蕭中藍翰卿宗侯鬱儀  
孔陽孝廉鄧太素

發春如有期。扁舟一遊此。孤生寡儔寓。禪寂傍棲止。  
何意風雨稠。坐見春華駛。殿含鍾磬濕。戶漬琴書委。  
不言良已深。覘蹊遲桃李。所思猶未遠。寒洲泥蘭芷。

鴉樸

同聲百年內。朱門二三子。零落在茲辰。留連及芳齒。  
念往夕無寐。欣來動有以。交新謝輪鞅。道舊延簪履。  
松門留一晤。海寂談千里。未覺風雅頽。乍擘衣裳起。  
高花動寒色。木蘭漾清美。開軒邈誰似。遠道嗟何已。  
物感陰晴候。人疑盛衰理。龍沙往猶滯。簫峰上難擬。  
且就聲聞醉。將妨語言綺。秉蘭希茂樹。泛羽慳流水。  
所幸無俗物。吳謳稍清耳。蕭條隨曲終。局促非願始。  
上巳卽晨遊。明湖恣清泚。

西塘莊池上懷大父作

大西西南來林塘佇深仰一區常自存百年人獨往  
清癯自古色行藏眷幽想隱几松篁韻高歌鸞鶴響  
琴書久寥寂桑麻歲茲長風霜喬木陰雨露丘園愴  
伏臘記耆舊天水遺真賞三嘆遠青縣千秋發靈爽  
○送別駕胡用光年兄歸養

遑將亦有情微文恰相中寒反幾何時連遭兩迎送  
共苦中年別况直秋悲動號靈悽近戶語燕飛辭棟  
期為二岳賞相拈九華弄發興自希有倦遊兼屢空  
僻居難往書識路睇來夢心傷同籍稀耳惻風謠衆

豈不避鷹鷂終知惜鸞鳳

○答鄒愚公毘陵秋約二首

少壯亦如人透迤成白首終焉世情外知交復何有  
忽忽遠書至惠我若瓊玖帶鉤水蒼碧晶暉瑩人手  
小景縉懷袖長圖漲軒牖經營位置清拂掉煙雲厚  
遠意動只尺念此盤薄久雙詩氣色重契濶存善誘  
期我絲竹間微言坐深酒鄴燕久為物樓卧復知某  
既感新知樂肯負雲外友春糧白露月發興秋水後  
垂老適江湖高歌傍南斗

脫畧山海嶒，洗發煙材倩。未覺吾生後，常思昔人先。  
東吳不可致，眷此愚公彥。平生一字許，寸心千里見。  
蹇予幼多病，及老傷疵賤。文情動孤引，著作終誰擅。  
滔蕩自諧曲，何悟傳清宴。通不碍各理，幽將入禪變。  
伎隨老師作，梵襍流音轉。野興江雲秋，蕭條思會面。  
（從無○人○道○出○）  
會面亦何常，百年心所遣。

題帥淑人像卷為陳侍御公子常州通守淳卿

作

涼風吹北門，致敬來鄉縣。柱下始長生，堂中悲聖善。

何翁悲

杯捲飲餘茶，翟衣如可見。庶連粉櫛親，尚闕蘋蘩薦。  
桂枝滿朝陽，棘心未維霰。方此繫朝纓，猶憐故衣線。

○平昌送何東白歸江山

有序

何翁曉江山，人壯拳勇任俠常。手殺劫賊數人，以  
他故為縣官所侮，憤恨去。道遇奇客，口授禁方。曉  
不甚識字，重聽而視脉，傳藥輒效。乃更為縣上客。  
褒衣危冠，侍藥平昌。與予朝夕者五年，成美規闕。  
都無一語及私，敦然長者也。予聽獄或笞囚過當，  
輒意授曉視之，無恙而後即安。民或鬪毆相殺傷，

何翁佛手  
若士婆心  
數行見之  
詩固不佳  
款不可以  
傳

赴庭下，輒先付曉，謹護之，而徐聽其訟。亭中有繫人，常與錢曉貸其藥，以故五年中，縣無鬪傷笞繫

妙在不必人知

而死者。縣中人莫知也。縣無城，嘗夜半虎傷童子，急呼予，予起燎逐虎，召曉取巨勝膏，漬墻茨中，蠕虫，襍藥灌童子，愈。時有十全之名，予問之曰：「曉何能盡然不全者不治耳。」數語，予公廉而倨，寬而疎，某富人，某勢人，當爲亂，已而果然。曉常用爲介介，嘆曰：「縣人何薄福相耶！」曉初無子，故不治生產，歲焚藥券者過半，晚生子數歲，思歸江山，而予亦且

上戊戌計去，不能留也。一縣中，聞曉去，無不遮泣，願少留者，至吏卒囚伍，咸爲愴然。予悲而餞以詩，曉後一過予家，老矣，猶從使琉球，治其王子婦女，應手效，國人神之，得其海藥，以歸市之。吳，吳中士大夫多授其方焉。

市隱今無人，江山有東白。少壯類豪漫，老大務敦樸。偶回救世心，一試懸壺迹。雖少隔垣耳，能知數歲脉。賣藥常以施，問病每如嘖。有奇復深穩，無厭普調適。脰腿謝車馬，婆娑赴朝夕。典衣時爲人，解紛翻借客。

出入在府寺，談笑賤金璧。洞戶無可猜，通都相莫逆。  
口語無人損，心事有天益。倉公乃生男，扁鵲不受刺。  
忽忽動歸思，移家舊泉石。嫗孺走遮挽，貧病轉愁劇。  
暫為來去期，終以江山隔。五年予憇茲，朝集限于役。  
遠愧全活手，去為入愛惜。羽翼何以報，肝膽在所積。  
昌溪眷餘想，遲汝一迴展。重來不在茲，停雲望歸鳥。

玉茗堂詩集卷之三 終

玉茗堂詩集卷之四

五言律

臨川義仍湯顯祖著

甄胄天羽沈際飛選

○○龍頭阻風晚霽待月有酌

似晉亦似齊梁

日夕起陽渚，餘飈企栢材。逾遐動奄忽，邇來翻滯淫。  
天意與游客，其端不可尋。賴有盈罇醴，良游列坐斟。  
柔紈被新浴，微涼生我襟。穀流縈禱電，黛巘隱岑崟。  
松新翠華淺，槎古綠苔深。川氣冒平陸，月色霽玄林。  
驚栖條上羽，散爛蒲中禽。淥水聞歌昔，清夜美遊今。



異鄉豈忘日會景足移心俱歡吝情素離索苦懷吟  
、過洪陽先生叢桂軒望仙有作

我教

張公世名德映響若金鏞西叟明大象東丘感猶龍  
全神會日母揚靈觀天宗厥友惟鄧君深松映芙蓉  
紛吾托根淺華葉常苦穠閱枝止外獎祈道乃心恭  
代斲自傷指傳薪寧改蹤仙檢已如期勉矣青霞峰

○雨花臺所見

冉冉春雲陰郁郁晴光瑩取次踏青行發越懷春興  
拚知天女後如逢雨花剩宜笑入香臺含頻出幽徑

畫出一個  
美人

徒倚極煙霄徘徊整花勝態隨驚蝶起思逐流鶯凝  
美目乍延盼弱腰安可凭朝日望猶鮮春風語難定  
拾翠豈無期芳華殊有贈持向蕙香前為許心期證  
如何違玉纓沈情擊金磬

○○黃岡西望寄王子聲

白露滴江城江聲遶秋至心賞不在茲幽芳渺難寄  
木葉號蟬悲水荇潛鱗戲日氣淡芙蓉雲陰生薜荔

似希夷筆

栖栖王子情默默楚人思未及湘纍醒且共蓬池醉  
遙松起暝色虛竹警寒吹物往年序遷情存風景異

王荅堂詩集 卷四  
樵歌歸影遲。新月忽在地。

新昌阻雨夜宴朱明府署中時度四十七

客行苦無棕，迴旋有淹疾。結課來越州，逢迎繡衣出。  
東關望嵎邑，驚風亂林術。擺掣江海雲，晝夜雨花溢。  
衣被徒束濕，冠帶已解漆。咫尺天台姿，津潢斷非一。  
月巖了在眼，正恐夜離畢。賴有佳主人，端居許容膝。  
芸香餘護衣，綠蕉軒散帙。流連秋水詠，黯淡愁霖筆。  
乍覺雲氣踈，旋聞雨聲密。淹歌永涼夜，慙逢賤生日。  
半百猶在茲，倦遊心所悉。鷄鳴動如晦，草根悽蟋蟀。

暫得爽苒梁，去訪烟霞質。

未抵嵎數里，阻雨仙岩詰。朝留新昌作

江寒風雨飛，仙岩氣虛碧。崩雲沉戶牖，衝颺蕩簷隙。  
孤亭下車馬，濕裝開委積。熅衣寧及晨，蓐食且茲夕。  
安知夜淋瀝，滅燭移枕席。恐爲奔湍阻，侵宵警前策。  
抵嵎日逾午，剡棹興非昔。黽勉向津衢，新昌暮留客。  
信宿何足難，去住亦取適。知是淮南豪，家世江右籍。  
維揚豫章門，水木如不隔。欣言領幽意，南巖候輝臆。  
極目莓梁滑，路迥桑洲驛。略約風雲掀，始覺霞標赤。

軒署復閒敞，消散流寓迹。豈免厨傳費，用慰山水役。  
○佳○前○

○麗水風雨下，船棘口有懷。

石城雙水門，落日遠江介。春潮風雨飛，暮寒洲渚帶。

流雲蒼翠裏，緒風簫鼓外。分披悟曾歷，合沓迷新屆。

宿霧緬餘丘，生洲隱遙派。地脉有虧成，物色故明昧。  
說得鉅

曲折神易傷，幽清境難會。江花莞流放，岸草悽行邁。

不見林中人，自撫孤琴對。

入景入情

、秋雨九華館送屠長卿便入會城課滿

課奏常有期，牽絲卽前路。出門侵雲嶺，嶺根罷還顧。

爭吐野渡急，印牀人吏護。簿尉前致辭，餞筵中馬步。

落日九華館，前臨七津渡。堂北翠當牖，雲霏內源樹。

四塞山浮近，○浮○字○好○一夜雨奔赴。接日何曾乾，噫風數如暮。

枕衾移白晝，哀壑繞牀注。前旌亦有去，烟炊隔隨住。

居人疲應接，省事示長素。問俗芋收晚，未礙山田雨。

生事隨水源，清時少門戶。相對如標枝，暫此息文簿。

得從東海生，歷落省遊趣。焚香烟雨外，側誦淨名句。

且以永今夕，持燭及清曙。晦朔境未出，信宿覺有數。

三才堂詩集 卷四  
爲霖恐後時，會欲披雲霧。

○望羅浮夜發

我以適窮髮，日氣動海水。浮羅落空影，結念自此始。  
山水何泠泠，是望字之神斷道百餘里。烟墟有餘姿，層陰相倚徙。  
落日朱明館，林下宿盥洗。攢巒暗星闕，招搖側東指。  
中夜若有人，弄影風霞裡。首建芙蓉冠，清嘯激林靡。  
披衣天門外，古峽幽篁聽山鬼。

送黃太次上都

久從州縣羈，偶爾江湖放。生事鮮勤渠，朋倫或寬曠。

身世杳凡存，河山輕弱喪。實少新知樂，空多舊遊悵。  
忽忽醉言醒，有客流高唱。精神近修雅，風徽遠駘宕。  
何來空谷音，都非世人相。呼兒侍清切，邀賓與玄暢。  
何止發藏書，直欲傾家釀。參星良夜中，十月寒江上。  
自言交匪今，沉真心所向。風煙良已積，江山此彌望。  
蕭條沈思興，留連闕歡償。叢蘭霜委浥，岸菊風微颺。  
晤言燈燭深，明發波濤壯。居焉謝孤癯，誰爲發清況。  
遲爾歲華滋，寒香生蕙帳。麻源殊可遊，靈妃方想像。  
奉寄趙仲一真寧并問達師

德政詩

遊道日以迫。權夸衆所馮。我思一何迥。朱絲玉壺冰。  
古人不可問。今茲誰見應。無期遍燕越。有美自齊滕。  
丈夫偉容髮。赤子重廉能。五載半在馬。卽事常撫膺。  
賦粥遶墟里。持籌正井墪。寸陰課桑棗。尺水占蓮菱。  
城池香以拂。馳道蔭如繩。手疏濁河理。笑見嘉禾登。  
流粟欲紅腐。還昨豈虛增。波沱下膏霖。略約上風稜。  
農桑幽舊俗。臺閣傳中丞。詎剪甘棠懋。深存圖史徵。  
明君皆可法。爲令足師承。遠彼西北道。濶此東南朋。  
傷錦自刀怯。爲棟豈荷勝。虛薄復何意。清通蒙見稱。  
樂郊相婉變。畏路兩凌兢。一知殊已足。對客良自矜。  
九州晞北驥。六月望南鵬。塵泥忽森灑。風雲竟掀騰。  
山公一戩事。流品再清澄。結夏雲已峻。兼秋氣何凝。  
自公亦玄史。有師如自乘。偶爲長筮客。知非紫衣僧。  
好相<sup>貼</sup>山河影。陰光日月燈。同心消語嘿。爲道割欣憎。  
林泉風正落。河嶽雨初昇。念往側西笑。懷來中夜興。  
但得存江海。無勞問斗升。

○奉寄李岷嶠盧氏并問達師二十韻

江上九蓮峰。天門對江起。風帆下孤客。清光映遊子。

相逢非有期，相看乍成喜。便與醉連榻，何但驚倒屣。  
 融霜冬日華，衣繡江霞綺。雅意薄身世，微言及生死。  
 形開法象外，趣入清微裏。往往宦遊人，依依說名理。  
 如君中有真，使我窺無始。去別長安道，歸涉新安水。  
 愛而不可見，清言猶在耳。再送朝朝事，一擲飛鳧履。  
 光景或留連，幽芳相倚徙。感時付三嘆，懷人動千里。  
 盧敖天正迥，關門氣應紫。但取兩同心，未須齊一指。  
 如聞紫柏師，亦覲青雲士。威光常半笠，梵唱即盈紙。  
 一切自匪他，兩行是因彼。何得往秦承，百年三笑美。

送馬仲高入都并問區太史鄧吏部梅嶺詩

馬生千里姿，游閑氣清楚。來從海珠寺，江光映重阻。  
 相逢邈河漢，留連及羈旅。北望且悠然，南裝應幾許。  
 冬服委輕織，春衣餘白紵。時復夢鄉路，高堂離寒暑。  
 直欲翻炎溟，何緣避風渚。長歌燕市醉，短劍吳門語。  
 世路今何如，天池此一舉。垂楊依遠道，遷鶯動儔侶。  
 蒼梧舊所歷，長安有心與。海目迥清曠，韶陽美風緒。  
 惻惻江潭人，梅花相憶汝。

奉答新喻張克雋明府

微生夙嬰患，趨庭迫章句。披襟未窮歷，吟諷已入趣。  
稍涉王霸術，妄意清時遇。逶迤江海心，蹭蹬風雲路。  
○播○并○入○妙○得貧還自驕，失官非我素。斷汲移沙井，休車倚庭樹。  
常恐交知絕，不獲賞心晤。長天紆物色，空谷知人處。  
客言神仙尹，振昌龍池墅。秋清散明月，春陽靄芳露。  
琴歌紛有適，簡書澹無慮。高情難聞寥，雅意在延佇。  
傾風有近遠，賞氣無新故。直以微細質，側承君子顧。  
儀文物兼金，惠心深尺素。徒知私自憐，何期遠相慕。  
白露滴秋水，伊人宛河遡。聊用倚逍遙，相於及遲暮。

送魯司農還南漳

草草

上林非一樹，逸翮有同林。忽逢春氣美，因聽黃鳥音。  
憶昔乘雲翔，凝華散簪襟。晨趨建禮月，晝息蘭臺陰。  
年髮方向盛，意氣亦交深。洗刷自清漢，何言有飛沉。  
冉冉二十年，悠悠方寸心。寸心紆北闕，羈孤並南粵。  
枕席氣清遠，江山候明發。蕩舟星巖遊，留篴海珠歇。  
側影羅浮外，洗氣蒼梧謁。落羽傷炎洲，蠹桂迷烟月。  
○傷○絕○丹砂不可問，清淚銷人骨。失路自相親，况乃在窮髮。  
窮髮飽經過，拚飛出網羅。漸有風雲氣，翻增遊子歌。

新安水清淺，括蒼山翠多。揆予乖錦製，欣子得棊和。  
長嘆拂虹蜺，相憐慎風波。贈賸亦何為，有人山之阿。  
明玉豈終泣，上路君鳴珂。鳴珂復揚汰，徵書出淮浦。  
既奉潘輿喜，復上司農最。三載隔思存，一夕良宴會。  
高閣動春酒，平沙方解帶。天入斗牛淺，地兼江楚大。  
高歌碧雲合，罷望朝濟蒼。南浦君如何，冥鴻寄江外。

送謝曰可吳越遊

與子少窺帷，齒至或箕。如嚶其綺樹，思啗爾枯梧。據  
高牕，漾文几。連牀接清曙，蕭朱晚何及。機雲蚤隣度。

艱難見真骨，有此語說死身分落遠騰翥。豈下西曹秩，獨上東朝疏。

有才誰不傾，無勢敢相馭。歸軒月幾望，文尊日將御。

顏髮看未足，對便俗瞳矐告我去。有美為誰併，盈盈欲相語。

帝都良可樂，吾鄉苦生慮。子亦老將客，攀翮復愁遽。

同遊心莫展，獨往世何與。未果來歸日，且定思存處。

遲暮及佳期，江山肯猶豫。

○○離合詩寄京邑諸貴

琅玕豈不珍，玉屑竟誰飯。檜樹鬱冬臯，木葉辭秋苑。  
衿曲自悠悠，衣帶日趨緩。乘月望風霄，人遙尺書斷。



○哀麋帥

世亂足張功，時平寬養望。恢恢儒者雄，心兼將門將。  
 處勢辱為下，投巖功始上。成事豈因人，循聲須本量。  
 從來武功爵，二祖或明兩。向後多目色，豈取真級仗。  
 寄子屬中官，籌邊歸上相。平北上雕勦，征南奏禽蕩。  
 紀劾非有律，置對亦無恙。一功性命抵，百事金錢傷。  
 此公無中人，何得有孟浪。圖墮未思窘，累至前榮長。  
 我觀賢智人，蟻穴存周防。稍為世業誘，少復全名償。  
 一心抱中孚，庶幾省無妄。

實錄

送方侍御視學西川

新安江水清，南國美侍御。寶瑟汎春祠，朝慶入清曙。  
 偶爾鏘佩同，未有風期素。徒持清白心，點君簪筆署。  
 悠悠思莫往，踟躇眷將去。柏棘南臺門，桃李西川路。  
 禮殿今如何，文學漢宣布。倘逢金碧影，為報祠官賦。  
 鬱孤臺留別黃郡公鍾梅時李本寧泰知引病

并懷

達曙臨高臺，清風朝日舒。江光麗城闕，婉變西南隅。  
 崆峒當我前，仙駕無由紆。水東映龍影，逶迤青若趨。

原泉迴豫章。雲氣連蒼梧。嶺海軒櫺間。遠勢若可呼。  
集合五方人。割立四州樞。鼓角中天鳴。公府鎮文儒。  
龍門不可見。雲杜將何如。蒼茫洞穴中。砉然成古初。  
黃公所行縣。冠帶十數區。于今四三年。煙火稱名都。  
解宇何鱗次。人語襍川途。方州仰流粟。物土驚華腴。  
信美不可留。飄颻安所須。皂蓋吹雲清。翠玉含煙蕪。  
炎洲方橘柚。高宴深菜萸。似昔黃次公。高齋遊鳳雛。  
初矜逐臣遠。猶憐仙尉殊。佳期晨夕淹。懷人煙月俱。  
搔心躡光景。長嘯凌虛無。何得此高臺。千秋名鬱孤。

詞意  
美滿

○虔南津口得黃郡公扇頭明月篇却謝

風物想南都。波濤向東粵。晨登鬱孤臺。蒼茫度城闕。  
舉帷自遵渚。幽芳坐林樾。忽枉人吏來。新篇贈明月。  
徘徊青桂枝。宛戀流蟾窟。凌寒秋色晚。入夜河影沒。  
東井流清光。南溟照窮髮。佳氣有迴合。輕霄時彷彿。  
感君鄉月姿。悠悠眷清質。紈扇豈終掩。嬋娟恒自出。  
還以海中珠。來投漢川橘。

○飛來寺泉

寫泉令人  
冷然

峽山雲氣深，松栢糝蒼徑。縹幡遶屏翠，闌十抵一任。  
山僧日影過禪房，點清磬。宵爾寒泉下，冷然愜孤聽。  
近音風葉灑，遠韻蒼梧應。小品甘露華，長流水晶瑩。  
曹溪脉陰引，炎岡冰欲凝。稍動寒漿色，雅與齋厨稱。  
花木恣涓滴，竹秒通餘贖。經聲法流湧，猿吟峽僧定。  
瓶鉢住空影，尋常傾最勝。何意熱中人，洒落飛來興。

夢覺篇 有序

戊戌歲除達公過我江樓，弔石門禪登從姑，哭明德先生往反。巳亥上元，別吳本如明府去棲鱸峰。

別予章門，予歸春中望夕，寢于內後夜夢床頭一  
女奴，明媚甚，戲取畫梅裙着之，忽報達公書從九  
江來，開視則削成小册也。大意本原色觸之事，不  
甚記，記其未有大覺二字，又親書海若士三字起  
而敬志之，公舊呼予寸虛，此度呼予廣虛也。

花朝風雨深，同人醉三市，尋常獨眠睡。此夜與偶爾，  
鷄鳴床帳前，何得小皓齒，瘦生巧言笑。青衣乃裙綺，  
窺帷映牕旭，歷矇如可喜。忽忽堂上音，云是達公使，  
有書似剗劖，印以金粟紙。裝縹若禪夾，璘璨字盈指。

臨川善子  
寫夢小小  
轉折處猶

床頭就披盥開讀不及凡似言空有真并寃色無始  
送末有弘願相與大覺此向後指輪筆自書海若士  
如癡復如覺覽竟自驚起達公今何處死自宮亭止  
起念在一微九江有千里達公雖心通何得便飛耳  
感此重思念淚如花墜蕊中觀誠淺悟大覺有深旨  
瓶破鳥須飛薪窮火將徙骷髏半百歲猶自不知死  
頂禮雙足尊回旋寸虛子

○為浙司運長陸公受命三世題卷

南陸百天半東吳滄海餘華亭警清咲崑山留片與

璇流自方折峩峩中大夫通材何茂明本性則貞孤

鳴琴出清豐水部鏡陪都專城坐已貴策海道何紆

○為陸占地步

磊砢三十年貌古中亦俱豈無同年友高為朝市樞

教忠非教詔獨立時步趨惟憐驥之子兩世伏鹽車

小往大必來龍蠖理所須果以四考甄兼之八命殊

三葉被天暉名卿或不如寄言忠孝子世路每乘除

亡書嘆

亦自落落

兩都三十年買書幾千帙存亡遍抄寫頗亦費紙筆  
校籌無停畧金石銷弱質苦成文士名粗與時賢匹

愛惜復何意，壯志未云畢。念此益人智，候彼承家一。  
高樓留丹青，以擬蓬萊室。歸休省人事，臥久玄思溢。  
期閒理籤軸，半百永餘日。安知雨痕深，并與青箱失。  
龍門幸未腐，羽陵罄將佚。聚散理常然，低空抱吟膝。

○答姜仲文

矣元白日不可常，孤雲亦何媚。萋芳淡遊子，流泊世所棄。  
事去息交久，書來喜君至。愛日生寒姿，停雲起高翅。  
經營二三月，颯遑豈遑避。驚看就長揖，道故如矢志。  
相聞善為樂，相見乃憔悴。為文寧自傷，情多或為累。  
有○語○

醒語痛語

感君珍重意，承睚不能淚。在沼魚何樂，先秋葉難翠。  
長歌聊復聲，短袖時一戲。今日眼中人，河年心上事。

○再別仲文

南國有儀刑，東海一氣候。昔事宗伯公，道業在宇宙。  
如存鍾鼎姿，得奉夔龍袖。樹德豈無前，達人真有後。  
誕我通家友，濬發在其幼。燭銀揚光陰，冰玉相吐嗽。  
萬里心常在，千秋業垂就。非惟霞綺鮮，轉覺風流厚。

通伯老氣

遊升日知新，下車歲存舊。蘭思未敢言，袞衣將我觀。  
涉江空緬邈，零露非邂逅。把臂未終揖，忽忽嘆我瘦。

平下偶然  
村來殊妙

將無歌笑疲。豈為衣食構。未少噓寒石。終多出雲岫。  
悽然謝不敏。苦樂聲所受。容髮過半百。敢辭白與皺。  
中懷行復語。隙陰非可逗。於君覺有情。勸我學無漏。  
我友達上人。英風露禪秀。舟携臥風雨。此事相擊扣。  
同心既云往。獨影誰能究。但自修正足。偶亦存善宿。  
狂思風落山。微情石穿溜。世智了無取。小衰當復壽。  
迥迥百年歌。臨岐為君奏。

聞北土饑麥無收者

關河昔泛舟。汶洛今懸壑。方茲隴麥稠。已絕行人逕。

餘芒上拂冠。棄桴深隱蹊。河上積尸明。田中穀王勝。

句直

小蹇運新洗。太平氣須應。但使夢維魚。寧須生玉甌。

饑

西北久食人。千里絕煙影。如何江海氣。遍濕東南境。

越人苦蛟龍。吳都復蛙鼃。鳧茨涸濱澥。木皮盡蹊嶺。

由來三輔民。仰粟二西省。所在亦中熟。津梁各有警。

江船絕盱贛。楚粟慳衡郢。陵麥青未熟。香秔種猶冷。

底春歌已斷。涉夏饑殊永。淋滲傷雨氣。滄茫視風景。

京尹裁施粥。市人稀說餅。心蘇流殍積。色沮俘庸騁。

江漢漕方下水，衡粟已請。且賜今年租，徐看水田頽。

李母詩為彭生作

星氣美中都，溫泉臨古滌。良哉二千石，延安今則無。  
自有賢夫人，鷄鳴相其夫。時時親女工，一一窺圖書。  
終以寒女心，從容汶水隅。五馬行何之，歸視堂上姑。  
箴管日在側，脂膏誠有餘。尊人忽已遠，清房行復徂。  
青鸞為子孫，樹羽各扶疎。誰謂桑榆光，俯映朝陽梧。  
兩見戊子春，載過長夏初。王母坐花勝，侍女紛離瑜。  
云是郡夫人，年初九十餘。燕喜方未央，仙靈源自殊。

魏休

母家苦縣李，夫是彭大夫。

北河傷鴈付菴寺僧

如生心宛  
轉曲折

艤流白石山，篙師欲凌亂。撐枝何所為，前有失羣鴈。  
帖水沒還出，趁逐相流轉。垂及稍低飛，清波影橫箭。  
幾為弋所留，復為漁所羨。偶隨風勢落，安知雲影斷。  
相悲常恐及，相依肯留玩。未絕飛鳴分，代彼作慈觀。  
願依大慈力，出箭入雲漢。普為射鴈人，無生可令患。

同仲文送青田劉生還吳有懷達公

事業不可為，君子簿時勢。那知天下士，動輒人間世。

裁草

自然景趣

弱冠殊澹蕩，及此傷年歲。略涉區中緣，每直雲外契。  
 知新但含咲，念往常悲涕。人生虛有夢，世界實無蒂。  
 一言太山重，萬事秋毫細。我友丹陽彦，愛我心無替。  
 相見動驚瘦，相憂及危脆。咄咄劉生白，道出文成裔。  
 黃石剖遺訣，蓮華敷半偈。清齋自童子，高冠側環衛。  
 頓挫成一擲，沉潛發孤詣。石圃亦奇人，得此為兄弟。  
 三遷出吳會，攬結皆蘭蕙。霞高赤城燒，鶴遠青田唳。  
 颯來江上遊，雅一孤舟繫。眠隨沙鳥淨，坐覺山雲霽。  
 憐予貧病姿，問我抽珠髻。空虛了無受，名身復何計。

大有奇特人，教作深弘誓。夙聞如是言，憤嘆一投袂。  
 及此老須眉，復是少智慧。飄空念亡子，在世如贅婿。  
 交初語言外，苦甚別離際。光景昔如來，達人今善逝。  
 送子獨臨崖，玄津方鼓柂。

○懷遂昌辜明府

粲彼河陽花，翳此柴桑柳。叱嗟誠一時，千金敝如帚。  
 是、先、後、為、政、話、  
 刀新付全目，錦傷歸妙手。道引清源潔，氣與溫陵厚。

冰雪明高堂，雨露深疇畝。虎檻豁已除，鹿蕉訟希有。  
 自秉丹石契，何似青衿友。羣山高隱天，一邑大如斗。



琴歌君子堂。流風出溪口。始覺珠玉前。仍驚簸揚後。遠音發疵賤。心知寄瓊玖。側側含謙尊。依依惜貧朽。宛變吏民意。感激為君壽。拜最及春明。雲霄方矯首。○同于中甫兄傷右武并別

賢愚迴貉丘。河山思蟻壤。飄離性有適。遇合趣無爽。追憶齊年歡。粗知十年長。輕蓋排風游。高裾集雲賞。雲賞復風馳。出入何罪罪。鸞鴻映初采。襟期寧足揮。○玄○言○恒乘日用理。兼參微妙機。分拙委炎壑。晞光睇遥薇。胡為游風波。慷慨亦來歸。

來歸既永久。得遂清言樂。美人猶在茲。達公安可作。

惠風千里至。蹇裳恣江閣。鬢素故無異。肥瘦乍相愕。

燕慰極公私。深心向寥廓。

寥廓非一端。當歌忽成泣。紛駭百年事。機牙互相襲。存者志四方。逝者據原隰。非身患仍有。將智耄恒及。

引領洪厓顛。靈氛庶茲挹。

洪厓不可覲。蕭峰長自清。月出浦淑遠。煙生巖戶縈。中有幽人居。留連高尚情。終知不可得。流嘆以屏營。屏營亦難留。春江有行舟。摧殘素心杳。迴翔清佩悠。

語嘿道方委風雲氣何求壯隨榮落盡晚覺眠食優  
何當泳游左將子復來遊

伍貞婦詩

青雲有貞婦宜家成孝廉婉婉閨閣間恩意何沾沾

計偕泣有贈為兆理亦嫌孝廉竟客死貞婦誓隨殲

蒲桃豈療饑聊以寬慈嚴兒女傷人心歲月難久淹

素履示芳跡池光沒流蟾北海如可期良不愧鯁鯁

○送黃元常偕叔幼于弟仲倩叔遠同魏季玄歸

應秋試

世故不可期心迹殊自知早從冠劍豪老為章句癡

况乃通家子欲以專門師率爾動致敬友于仍切憇

分燈雨窻急散帙晴軒遲永日坐自課良夜析所疑

問事愁不休談文欣一為清切促函丈留連低絳帷

念此欲何之磊磊休明時講肄若鍾鼓虛鳴寧足羈

牽率吾家駒黽勉千里馳黃世瓊琬業魏生金石姿

學子一如此起予良在茲紳帶肅中堂信宿行參差

賓散委餘悵朋睽紆遠思百日共升第七州誰見隨

把酒暮河橋高歌拊林涯君看白雲起秦青方此辭

兒女茶境  
三子了之

○夕佳樓贈來參知

出處等維塵，未若蕭然真。蕭然若有會，虛微自相親。  
身參市朝侶，不廢煙霞賓。我有齊年歡，故自同心人。  
同心兩相悅，日夕春祠列。善謔藹冲明，微言峻芳潔。  
今政古猶存，古心今所設。澤引岱宗雲，清拂峩嶷雪。  
雲雪渺何似，丹青竊難澤。行藏隨萬端，死生猶一視。  
粗存糧藥資，長有溝壑志。經濟自常體，著作乃餘事。  
餘事映風規，月露春江瀾。登樓泣華燭，寸心良不欺。  
伏櫪驥聞嘆，遊梁魚見知。良用永今夕，相為黃髮期。

肝膽語

見聞二字妙

贈鄒南臯留都六首

靈崑軸海脉，丹穴被天精。用九開潛躍，得一佐寧清。  
皇皇孝肅朝，柔剛隨盛明。長祥發冲聖，奇睠屬師卿。  
師卿倚奇眷，剛氛護衡鉉。依陰候虹起，疑陽忌龍戰。  
銷心三輔豪，殞氣諸州彥。東吳未鸞靡，西江已麟見。  
麟見豈無時，賢與自有宜。君子秉昭質，忠孝復前規。  
處志殺中孚，折體象明夷。揮戈事迺遠，碧血理經奇。  
經奇歲屢周，橫天彗已流。途窮擬開濟，弦絕事調柔。  
維解沐昭蘇，往蹇奉咨疇。遂參玄袞闕，風性藹皇州。

若此、用、易、便、佳

不作

自微

皇州曠且綿，重闕峻而玄。欽貞情率爾，誹駿理常然。  
徂秋玉帛起，獻歲簡書捐。祥金無北躍，虧珠有南遷。  
南遷殊北徵，今心豈昔懲。昔賢懷蒼梧，今子謁鍾陵。  
晚龔稱竟天，弱賈憚恭承。揆余昧修惜，何以贊居興。  
、送右武出關  
聚散杳無期，有如驂與駢。送子遊近關，念遠意何微。  
端簪觸拳勇，弛繡戀閑闈。斗水有清濁，盈庭無是非。  
丈夫行一意，何在久依違。

○古意送王太蒙東粵

日涉境何常，善代理難一。衝波日以移，真意稍流失。  
淒風感締綌，世樂倦琴瑟。豹飾豈無人，羔羊非此質。  
質清寧近名，我友真人英。被服必儒素，退食少餘贏。  
道遠室人嘆，齋居童僕貞。環觀滄海資，熒熒開四明。  
明明海上霞，矯矯雲中鵠。清人常宴舒，墨吏時迫束。  
非止峻公方，相於雅繇俗。尚有典型人，心知式如玉。  
心知誰不然，出牧今旬宣。節鎮久人望，物色新時賢。  
每聞三事虛，常爲九伯先。嶺海復何意，庶以清炎煙。  
炎煙依我友，秋風惜携手。天池萬里心，沙城一杯酒。

○唐○音○

物情自可見。素絲足回首。來往必章門。離離候南斗。

○遠菴詩為韓求仲作

浮言不可收。精意良有儲。日中必陽燧。月下宜方諸。世人空有心。安知情所餘。墮墮白日中。浩嘆不可除。不如籍高枕。長與神明居。懷來隔山海。夢去同菴閭。○昔○為○了○語○歇後偶成。睡睡久為之。遠試問遠然。覺何似塔然。虛傷心眷華胥。身世不知渠。

智志咏示子

有志方有智。有智方有志。情士鮮明體。昏人無出意。

兼茲庶其立。缺之安所詣。珍重少年人。努力天下事。

、繭翁子別號也得林若撫繭翁詩為范長白書

感二妙之深情却寄為謝

注脚好

繭翁入壘時。絲緒無一縷。自分省眠食。與世絕筐筥。吳門八蠶地。故物復何取。忽此枯桑翁。謬以鮮華與。驚若承沮渙。采拾被蓬旅。噓枯施蛾眉。存殘惜機杼。墨妙范長白。歌清林若撫。荀卿誠感賦。曼倩或諧語。何得奉珠盤。空思淚如雨。

○巳卯歲同方汝明海寧禪院

落日梅花峰，明霞繡空沓。芙蓉不可摘，憑雲臥高楊。  
造景懸藤帶飛鼠，平林依布鶴。棲燈九蓮下，幽香滿禪衲。  
西來問者誰，吾亦忘吾荅。

二京歸覺臨川城小

舊京三四年，望鄉心鬱然。拜計東華門，歸舟鴻雁天。  
遠色入江湖，煙波古臨川。夙聞賢府主，冠帶相絲延。  
賓親盈郡中，往反日夕旋。北窺青羊洞，南上銅林阡。  
門巷不相當，轉側在眼前。始覺都城大，三轂未摩肩。  
人世且區域，况乃登雲烟。下視大小城，數點何蒼然。

老殊

粉檜古在茲，寸心安可便。

惜未暢

王荅堂詩集卷四

終



